



PROSEDUR OPERASI STANDARD (SOP) PELAKSANAAN HUKUMAN SEBATAN DI LUAR PENJARA BAGI PESALAH SYARIAH





PROSEDUR OPERASI STANDARD (SOP) PELAKSANAAN HUKUMAN SEBATAN DI LUAR PENJARA BAGI PESALAH SYARIAH

BAGI PESALAH SYARIAH

KANDUNGAN

TAJUK	Muka Surat
Kata-Kata Aluan YB Senator Menteri Di Jabatan Perdana Menteri (Hal Ehwal Agama)	IV
Kata-Kata Aluan Ketua Hakim Syarie/ Ketua Pengarah Jabatan Kehakiman Syariah Malaysia (JKSM)	V
Kata-Kata Aluan Ketua Pengarah Kesihatan Kementerian Kesihatan Malaysia (KKM)	VII
Kata-kata Aluan Komisioner Jeneral Penjara Jabatan Penjara Malaysia (JPM)	VIII
Latar Belakang Prosedur Operasi Standard (Standard Operating Procedure (SOP)) Pelaksanaan Hukuman Sebatan Di Luar Penjara Bagi Pesalah Syariah	XI
1. Prosedur Operasi Standard (SOP) Pelaksanaan Hukuman Sebatan Di Luar Penjara bagi Pesalah Syariah	1
2. Jadual Pertama: Singkatan & Proses Kerja	21
i. Singkatan	23
ii. Proses Kerja 1: Hakim Menjatuhkan Hukuman ke atas Pesalah	24
iii. Proses Kerja 2: Prosiding Hakim Menetapkan Tarikh, Masa dan Tempat Pelaksanaan Hukuman	25
iv. Proses Kerja 3: Tindakan pada hari Pelaksanaan Hukuman	26
v. Proses Kerja 4: Prosiding Di Mahkamah: Pesalah Ingkar/gagal Hadir tanpa Sebarang Alasan pada Hari Pelaksanaan Hukuman	33
vi. Proses Kerja 5: Prosiding Di Mahkamah: Hukuman Sebatan Ditangguhkan Sebagaimana Subseksyen 125(3)(j)&(5) Akta 560 Atau Mana-Mana Undang-Undang Bertulis Negeri-Negeri Berkaitan	35

TAJUK	Muka Surat
3. Jadual Kedua: Carta Alir	37
i. Carta Alir 1: Hakim Menjatuhkan Hukuman ke atas Pesalah	39
ii. Carta Alir 2: Prosiding Hakim Menetapkan Tarikh, Masa dan Tempat Pelaksanaan Hukuman	40
iii. Carta Alir 3: Tindakan pada hari Pelaksanaan Hukuman	41
iv. Carta Alir 4: Prosiding Di Mahkamah: Pesalah Ingkar/Gagal Hadir tanpa Sebarang Alasan pada Hari Pelaksanaan Hukuman	45
v. Carta Alir 5: Prosiding Di Mahkamah: Hukuman Sebatan Ditangguhkan Sebagaimana Subseksyen 125(3)(j)&(5) Akta 560 atau Mana-Mana Undang-Undang Bertulis Negeri-Negeri Berkaitan	46
4. Jadual Ketiga: Borang-Borang	47
Penghargaan	65



Kata-kata Aluan Menteri di Jabatan Perdana Menteri (Hal Ehwal Agama)

السلام عليكم ورحمة الله وبركاته

Alhamdulillah, saya rafa'kan setinggi-tinggi kesyukuran kepada Allah Rabbal Alamin. Selawat dan salam ke atas junjungan besar Nabi Muhammad SAW, ahli keluarga, para sahabat dan mereka yang mengikut jejak langkahnya hingga ke hari kesudahan.

Tahniah kepada Jabatan Kehakiman Syariah Malaysia (JKSM) dan Jabatan Kehakiman Syariah Negeri-Negeri (JKSN)/ Mahkamah Syariah Negeri-Negeri (MSN) yang telah berjaya menerbitkan Prosedur Operasi Standard (SOP) Pelaksanaan Hukuman Sebatan Di Luar Penjara Bagi Pesalah Jenayah Syariah. Saya ucapkan terima kasih kepada Jabatan Penjara Malaysia (JPM) dan Kementerian Kesihatan Malaysia (KKM) atas kerjasama bagi merealisasikan kewujudan SOP tersebut.

Kejayaan mewujudkan SOP atas dokongan JKSM selaku agensi penyelaras institusi kehakiman syariah yang terunggul di Malaysia adalah wajar diberi pujian kerana ianya akan menjadi panduan kepada pelbagai agensi pelaksana seluruh negara yang melaksanakan hukuman sebatan di luar penjara atas pesalah jenayah syariah agar berjalan dengan lancar dan yang lebih penting mematuhi aspek undang-undang dan hukum syarak.

Justeru, besar harapan saya agar dokumen Prosedur Operasi Standard (SOP) Pelaksanaan Hukuman Sebatan Di Luar Penjara Bagi Pesalah Jenayah Syariah yang diterbitkan ini dapat dimanfaatkan sepenuhnya, digunakan dan dilaksanakan dengan sebaiknya oleh MSN dan agensi-agensi yang berkaitan.

Sekian, wassalam.

"WAWASAN KEMAKMURAN BERSAMA 2030"
"BERKHIDMAT UNTUK NEGARA"

Saya yang menjalankan amanah.

YB SENATOR TUAN HJ IDRIS BIN AHMAD
Menteri di Jabatan Perdana Menteri
(Hal Ehwal Agama)



Kata-kata Aluan Ketua Pengarah/ Ketua Hakim Syarie Jabatan Kehakiman Syariah Malaysia (JKSM)

Assalamualaikum Warahmatullahi Wabarokatuh.

Alhamdulillah, segala puji bagi Allah, selawat dan salam ke atas junjungan besar yang mulia Nabi Muhammad SAW, ahli keluarga baginda dan seluruh para sahabat.

Saya bersyukur kepada Allah atas kurnianNya jua, Jabatan Kehakiman Syariah Malaysia (JKSM), Jabatan Kehakiman Syariah Negeri-Negeri (JKSN), Mahkamah Syariah Negeri-Negeri (MSN) dengan kerjasama Jabatan Penjara Malaysia (JPM) dan Kementerian Kesihatan Malaysia (KKM) dapat menerbitkan secara bertulis Prosedur Operasi Standard (Standard Operating Procedure (SOP)) Pelaksanaan Hukuman Sebatan Di Luar Penjara Bagi Pesalah Syariah.

Saya merakamkan ucapan terima kasih tidak terhingga di atas penglibatan secara langsung YAA Ketua-Ketua Hakim Syarie Mahkamah Syariah Negeri di dalam beberapa siri bengkel, mesyuarat dan sebagainya sehinggalah SOP ini diluluskan dan dimuktamadkan melalui persetujuan YAA-YAA Ketua Hakim Syarie Negeri di dalam Persidangan Ketua-Ketua Hakim Syarie Seluruh Malaysia Kali ke-75 Bil. 3 yang diadakan pada 3-5 Oktober 2020 di Johor Bahru, Johor Darul Ta'zim. Pemuafakatan ini menjadi langkah terbaik kearah penyeragaman dan penyelarasan bersama JKSM, JKSN dan MSN.

Setinggi-tinggi tahniah jua dan penghargaan kepada tenaga kerja yang dianggotai oleh para Pegawai Syariah daripada JKSM, JKSN/ MSN, JAPENS, Pegawai-pegawai JPM dan KKM yang telah menunjukkan komitmen luar biasa dengan melaksanakan kerja secara bersungguh-sungguh sama ada mengkaji, menggabungkan idea serta memerah tenaga dan usaha demi memastikan dokumen ini dijayakan.

SOP ini secara ringkasnya mengandungi panduan kerja untuk semua agensi yang berkaitan antaranya Mahkamah Syariah, Jabatan Agama Islam Negeri (JAIN), Polis DiRaja Malaysia (PDRM), JPM dan KKM bagi melaksanakan hukuman sebatan di luar penjara bagi pesalah jenayah syariah. Kepentingan SOP ini tidak dapat disangkal kerana hukuman sebatan yang

dilaksanakan di luar penjara melalui SOP ini akan memastikan pelaksanaannya memenuhi maqasid al-shariah antaranya memelihara kepentingan agama (*Hifz al-Dīn*), nyawa (*Hifz al-Nafs*) dan keturunan (*Hifz al-Nasl*) sebagaimana kehendak hukum syarak dan seksyen 125 Akta Tatacara Jenayah Syariah (Wilayah-Wilayah Persekutuan) 1997 [Akta 560] atau yang seumpamanya di negeri-negeri.

Semoga inisiatif, usaha dan komitmen JKSM, JKSN, MSN seluruh Malaysia, JPM dan KKM menerima pakai seterusnya melaksanakan SOP ini akan memberi impak positif kepada perundangan Syariah di Malaysia khususnya dan seluruh umat Islam umumnya.

"WAWASAN KEMAKMURAN BERSAMA 2030"
"BERKHIDMAT UNTUK NEGARA"
"SYARIAH ASAS KEADILAN"

Saya yang menjalankan amanah.

YAA DATO' SETIA DR. MOHD. NA'IM BIN HJ MOKHTAR
Ketua Pengarah/Ketua Hakim Syarie
Jabatan Kehakiman Syariah Malaysia (JKSM)



Kata-kata Aluan Ketua Pengarah Kementerian Kesihatan Malaysia

Assalamualaikum Warahmatullahi Wabarokatuh.

Segala puji bagi Allah serta selawat dan salam ke atas junjungan besar Nabi Muhammad SAW yang mulia atas segala nikmat kepada kita semua.

Pertamanya saya ingin merakamkan tahniah kepada Jabatan Kehakiman Syariah Malaysia (JKSM) yang telah berjaya menerbitkan buku Prosedur Operasi Standard (SOP) Pelaksanaan Hukuman Sebatan Di Luar Penjara Ke atas Pesalah Syariah.

Manual bertulis ini akan memudahkan pihak Kementerian Kesihatan Malaysia (KKM) melalui Pejabat-pejabat Kesihatan Daerah memberikan kerjasama membantu Mahkamah Syariah dan Jabatan Penjara Malaysia di dalam melaksanakan hukuman sebatan di luar penjara.

Selain hukuman sebagaimana perintah mahkamah dapat dilaksanakan, keutamaan kami ialah memastikan kebajikan pesalah dari segi kesihatan terpelihara selaras dengan peruntukan undang-undang dan semoga buku Prosedur Operasi Standard (SOP) Pelaksanaan Hukuman Sebatan Di Luar Penjara Ke atas Pesalah Syariah ini dapat memastikan ianya dicapai.

Semoga usaha ini diberkati.

"WAWASAN KE MAKMURAN BERSAMA 2030"
"BERKHIDMAT UNTUK NEGARA"

Saya yang menjalankan amanah.

TAN SRI DATO' SERI DR. NOOR HISHAM BIN ABDULLAH
Ketua Pengarah Kesihatan
Kementerian Kesihatan Malaysia



Kata-kata Aluan Komisioner Jeneral Penjara Jabatan Penjara Malaysia

Assalamualaikum Warahmatullahi Wabarokatuh.

Segala puji bagi Allah SWT serta selawat ke atas junjungan besar Nabi Muhammad SAW yang mulia atas segala nikmat kepada kita semua.

Sekalung penghargaan dan ucapan tahniah kepada Jabatan Kehakiman Syariah Malaysia (JKSM) yang telah mengambil inisiatif menyediakan suatu dokumen bertulis bagi tujuan penyeragaman dan penyelarasan pelaksanaan hukuman sebatan di luar penjara ke atas pesalah jenayah syariah di seluruh Malaysia. Terima kasih jua kerana telah menjemput para pegawai di Jabatan Penjara Malaysia untuk sama-sama memberikan idea merangka SOP ini.

Sebagai sebuah agensi pelaksana hukuman, kami sentiasa memberikan komitmen padu dalam melaksanakan hukuman sebagaimana yang diputuskan oleh Mahkamah. Melalui SOP ini, kami percaya pelaksanaan hukuman sebatan di luar penjara ke atas pesalah jenayah syariah akan dapat dilaksanakan di seluruh Malaysia secara teratur dan seragam tanpa mengeneipkan mana-mana peruntukan undang-undang dan hak kemanusiaan.

Hakikatnya, kolaborasi seperti ini amat besar nilainya kepada Jabatan Penjara Malaysia dan kami sentiasa mengalu-alukan usaha berterusan JKSM untuk bekerjasama erat dengan Jabatan Penjara Malaysia dalam pelbagai bentuk bagi memastikan hasrat dan objektif hukuman ke atas pesalah jenayah syariah dapat dicapai demi memastikan keselamatan dan kesejahteraan semua pihak terpelihara.

"WAWASAN KEMAKMURAN BERSAMA 2030"
"BERKHIDMAT UNTUK NEGARA"

Saya yang menjalankan amanah.

YBHG. KJP DATO' HAJI NORDIN BIN HAJI MUHAMAD
Komisioner Jeneral Penjara
Jabatan Penjara Malaysia

**Ketua Hakim Syarie/ Ketua Pengarah,
Hakim Rayuan
JABATAN KEHAKIMAN SYARIAH MALAYSIA (JKSM)**

**Ketua Hakim Syarie
JABATAN KEHAKIMAN SYARIAH NEGERI/ MAHKAMAH SYARIAH
NEGERI SELURUH MALAYSIA**





LATAR BELAKANG
PROSEDUR OPERASI
STANDARD (SOP)
PELAKSANAAN HUKUMAN
SEBATAN DI LUAR PENJARA
BAGI PESALAH SYARIAH

PROSEDUR OPERASI STANDARD (SOP) PELAKSANAAN HUKUMAN SEBATAN DI LUAR PENJARA BAGI PESALAH SYARIAH

1. LATAR BELAKANG

- 1.1 Hukuman sebat merupakan salah satu bentuk hukuman yang diperuntukkan di dalam Akta Kesalahan Jenayah Syariah (Wilayah-Wilayah Persekutuan) 1997 [*Akta 559*] atau undang-undang berkaitan di negeri-negeri¹.
- 1.2 Tempat di mana pelaksanaan hukuman tersebut hendaklah dijalankan telah diperuntukkan di bawah perenggan 125(3)(c) Akta Tatacara Jenayah Syariah (Wilayah-Wilayah Persekutuan) 1997 [*Akta 560*] atau sebagaimana peruntukan di dalam enakmen berkaitan di negeri-negeri². Melalui peruntukan tersebut, Mahkamah telah diberikan kuasa untuk menentukan tempat pelaksanaan hukuman iaitu di mana-mana tempat yang bersesuaian, antaranya ialah di Mahkamah Syariah tempat di mana kesalahan itu disabitkan atau di mana-mana lokasi yang difikirkan wajar oleh Hakim Bicara.
- 1.3 Terdapat Mahkamah Tinggi Syariah di beberapa buah negeri yang telah memerintahkan hukuman sebatan di luar penjara. Pelaksanaan hukuman tersebut telah dijalankan berdasarkan arahan pentadbiran mahkamah tersebut dan ianya berbeza antara satu sama lain.
- 1.4 Oleh kerana pelaksanaan hukuman sebatan di luar penjara melibatkan pelbagai agensi iaitu Jabatan Penjara Malaysia (JPM), Kementerian Kesihatan Malaysia (JPM), Polis DiRaja Malaysia (PDRM) dan Jabatan Agama Islam Negeri Negeri (JAIN), maka satu SOP yang seragam diwujudkan bagi membantu Mahkamah Syariah serta agensi-agensi berkaitan melaksanakan tugas pelaksanaan hukuman secara lebih teratur, efektif, berkesan dan seragam di seluruh Malaysia.

¹ Enakmen Kesalahan Jenayah Syariah 1997 (Johor), Enakmen Kesalahan Jenayah Syariah (Kedah Darul Aman) 2014, Enakmen Kanun Jenayah Syariah 1985 (Kelantan), Enakmen Kesalahan Syariah (Negeri Melaka) 1991, Enakmen Jenayah Syariah (Negeri Sembilan) 1992, Enakmen Kesalahan Jenayah Syariah 2013 (Pahang), Enakmen Kesalahan jenayah Syariah (Negeri Pulau Pinang) 1996, Enakmen Jenayah (Syariah) 1992 (Perak), Enakmen Jenayah Dalam Syarak 1991 (Perlis), Enakmen Kesalahan Jenayah Syariah 1995 (Sabah), Ordinan Kesalahan Jenayah Syariah 2001 (Sarawak), Enakmen Jenayah Syariah (Selangor) 1995 dan Enakmen Kesalahan Jenayah Syariah (Takzir)(Terengganu) 2001.

² Enakmen Tatacara Jenayah Syariah (Negeri Johor) 2003, Enakmen Tatacara Jenayah Syariah (Kedah Darul Aman) 2014, Enakmen Tatacara Jenayah Syariah 2002 (Kelantan), Enakmen Tatacara Jenayah Syariah (Negeri Melaka) 2002, Enakmen Tatacara Jenayah Syariah (Negeri Sembilan) 2003, EnakmenTatacara Jenayah Syariah 2002 (Pahang), Enakmen Tatacara Jenayah Syariah (Negeri Pulau Pinang) 2004, Enakmen Tatacara Jenayah Syariah (Perak) 2004, Enakmen Tatacara Jenayah Syariah 2006 (Perlis), Enakmen Tatacara Jenayah Syariah 2004 (Sabah), Ordinan Tatacara Jenayah Syariah 2001 (Sarawak), Enakmen Tatacara Jenayah Syariah (Negeri Selangor) 2003 dan Enakmen Tatacara Jenayah Syariah (Terengganu) 2001.

- 1.5 SOP ini telah dibincangkan secara bersama antara Jabatan Kehakiman Syariah Malaysia (JKSM), Jabatan Kehakiman Syariah Negeri-Negeri (JKSN), Mahkamah Syariah Negeri-Negeri (MSN), Jabatan Penjara Malaysia (JPM) dan Kementerian Kesihatan Malaysia (KKM).
- 1.6 Bagi tujuan pelaksanaannya di seluruh Malaysia, SOP ini telah diluluskan, dimuktamadkan dan dipersetujui YAA-YAA Ketua Hakim Syarie Negeri di dalam Persidangan Ketua-Ketua Hakim Syarie Seluruh Malaysia Kali ke- 75 Bil. 3 yang diadakan pada 3-5 Oktober 2020 di Johor Bahru, Johor Darul Ta'zim.

2. SKOP

- 2.1 SOP ini menjelaskan amalan-amalan yang mesti dipatuhi untuk menguruskan pelaksanaan hukuman sebat yang dilaksanakan di hadapan Mahkamah atau di mana-mana tempat yang diarahkan oleh Mahkamah selain di penjara, supaya ianya bertepatan dengan hukum syarak dan undang-undang.
- 2.2 Ianya juga sebagai panduan pelaksanaan hukuman sebatan di luar penjara ke atas pesalah yang dijatuhkan hukuman sebatan sahaja, dan/ atau ketika hukuman sebatan dilaksanakan, pesalah tersebut tidak menjalani hukuman pemenjaraan.

3. KANDUNGAN UMUM PROSEDUR OPERASI STANDARD (SOP)

- 3.1 Secara umumnya draf Prosedur Operasi Standard (SOP) ini mengandungi enam (6) fasal utama dan tiga (3) Jadual iaitu;
 - i. Jadual Pertama: Singkatan dan Proses Kerja;
 - ii. Jadual Kedua: Lima (5) carta alir; dan
 - iii. Jadual Ketiga: Sebelas (11) borang-borang.

4. PENUTUP

Justeru, Prosedur bagi Pesalah Syariah Operasi Standard (SOP) Pelaksanaan Hukuman Sebatan Di Luar Penjara secara praktiknya akan memastikan pelaksanaan hukuman sebatan yang diperintahkan Hakim Syarie dilaksanakan secara sistematik dan seragam oleh semua agensi berkaitan di seluruh Malaysia.



PROSEDUR OPERASI
STANDARD (SOP)
PELAKSANAAN HUKUMAN
SEBATAN DI LUAR PENJARA
BAGI PESALAH SYARIAH

PROSEDUR OPERASI STANDARD (SOP) PELAKSANAAN HUKUMAN SEBATAN DI LUAR PENJARA BAGI PESALAH SYARIAH

PERKARA

1. Nama
2. Tafsiran
3. Orang yang dikehendaki hadir
4. Keperluan dan persediaan hukuman sebat
5. Tugas dan tanggungjawab umum agensi dan pegawai pelaksana hukuman
6. Pelaksanaan hukuman

JADUAL PERTAMA (Singkatan dan Proses Kerja)

JADUAL KEDUA (Carta Alir)

JADUAL KETIGA (Borang-Borang)

No. Borang	Tajuk Borang
1.	Waran Penahanan
2.	Waran Hukuman Penjara
3.	Waran Tangkap
4.	Bon Kehadiran Pesalah
5.	Notis Penetapan Tempat Pelaksanaan Hukuman Sebat
6.	Surat Pemakluman kepada Penjara
7.	Surat Pemakluman kepada Pegawai Kesihatan Daerah
8.	Waran Pelaksanaan Hukuman Sebatan
9.	Pengesahan Tiada Rayuan Terhadap Hukuman atau Tempoh Rayuan Telah Tamat
10.	(a) Borang Saringan Kesihatan Pesalah (b) Borang Pemeriksaan Kesihatan Pesalah Sebelum Hukuman (c) Borang Rujukan ke Klinik Kesihatan/Hospital
11.	Borang Pemeriksaan Kesihatan Pesalah Ketika*/Selepas Hukuman (<i>*jika pegawai perubatan berpendapat pesalah perlu diperiksa ketika sebatan masih berbaki</i>)

PROSEDUR OPERASI STANDARD (SOP) PELAKSANAAN HUKUMAN SEBATAN DI LUAR PENJARA BAGI PESALAH SYARIAH

Nama

- (1) Prosedur operasi standard ini bolehlah dinamakan sebagai Prosedur Operasi Standard (SOP) Pelaksanaan Hukuman Sebatan di Luar Penjara Bagi Pesalah Jenayah Syariah.
- (2) SOP ini sebagai garis panduan kepada Mahkamah yang berbidang kuasa di Wilayah-Wilayah Persekutuan atau di negeri-negeri bagi melaksanakan hukuman sebat di hadapan Mahkamah atau di mana-mana tempat yang diarahkan oleh Mahkamah selain di penjara bagi apa-apa kesalahan di bawah Akta Kesalahan Jenayah Syariah (Wilayah-Wilayah Persekutuan) 1997 [*Akta 559*] atau mana-mana undang-undang bertulis negeri-negeri berkaitan¹.
- (3) SOP ini mengandungi proses kerja di Jadual Pertama, carta alir di Jadual Kedua dan borang-borang berkenaan di Jadual Ketiga.

Tafsiran

- Dalam SOP ini, melainkan jika konteksnya menghendaki makna yang lain–

“agensi pelaksana” ertinya Jabatan Penjara Malaysia dan Kementerian Kesihatan Malaysia;

“agensi penguat kuasa” ertinya Bahagian atau Unit Penguatkuasaan Jabatan Agama Islam Negeri-Negeri dan Polis Diraja Malaysia (PDRM);

“Akta Penjara” ertinya Akta Penjara 1995 [*Akta 537*];

“Akta Pentadbiran” ertinya Akta Pentadbiran Undang-Undang Islam (Wilayah-Wilayah Persekutuan) 1993 [*Akta 505*]²;

¹ Enakmen Kesalahan Jenayah Syariah 1997 (Johor), Enakmen Kesalahan Jenayah Syariah (Kedah Darul Aman) 2014, Enakmen Kanun Jenayah Syariah 1985 (Kelantan), Enakmen Kesalahan Syariah (Negeri Melaka) 1991, Enakmen Jenayah Syariah (Negeri Sembilan) 1992, Enakmen Kesalahan Jenayah Syariah 2013 (Pahang), Enakmen Kesalahan jenayah Syariah (Negeri Pulau Pinang) 1996, Enak. Jenayah (Syariah) 1992 (Perak), Enakmen Jenayah Dalam Syarak 1991 (Perlis), Enakmen Kesalahan Jenayah Syariah 1995 (Sabah), Ordinan Kesalahan Jenayah Syariah 2001 (Sarawak), Enakmen Jenayah Syariah (Selangor) 1995 dan Enakmen Kesalahan Jenayah Syariah (Takzir) (Terengganu) 2001.

² Enakmen Pentadbiran Agama Islam (Negeri Johor) 2003, Enakmen Mahkamah Syariah (Kedah Darul Aman) 2008, Enakmen Pentadbiran Mahkamah Syariah 1982 (Kelantan), Enakmen Pentadbiran Agama Islam (Negeri Melaka) 2002, Enakmen Pentadbiran Agama Islam (Negeri Sembilan) 2003, Enakmen Pentadbiran Undang-Undang Islam 1991 (Pahang), Enakmen Pentadbiran Agama Islam (Negeri Pulau Pinang) 2004, Enakmen Pentadbiran Agama Islam (Perak) 2004, Enakmen Mahkamah Syariah (Perak) 2018, Enakmen Pentadbiran Agama Islam 2006 (Perlis), Enakmen Mahkamah Syariah 2004 (Sabah), Ordinan Mahkamah Syariah 2001 (Sarawak), Enakmen Pentadbiran Agama Islam (Negeri Selangor) 2003 dan Enakmen Mahkamah Syariah (Terengganu) 2001.

“*Chaperon*” atau “peneman” ertinya mana-mana pegawai atau mana-mana orang yang diberi kuasa oleh Kementerian Kesihatan Malaysia yang terdiri daripada anggota Kementerian Kesihatan Malaysia bagi mengiringi Pegawai Perubatan Kerajaan ketika pemeriksaan dibuat ke atas pesalah;

“Mahkamah” ertinya Mahkamah Rendah Syariah, Mahkamah Tinggi Syariah, atau Mahkamah Rayuan Syariah, mengikut mana-mana yang berkenaan, yang ditubuhkan di bawah seksyen 40 Akta Pentadbiran atau mana-mana undang-undang bertulis negeri-negeri berkaitan³;

“Pegawai Mahkamah” ertinya apa-apa perjawatan yang diwujudkan di Mahkamah yang telah dilantik di bawah mana-mana undang-undang bertulis;

“Pegawai Keselamatan Mahkamah” ertinya Polis Bantuan yang bertugas di Mahkamah termasuklah Polis Diraja Malaysia;

“Pegawai Perubatan Kerajaan” ertinya pegawai perubatan berdaftar yang dilantik di bawah seksyen 2 Akta Perubatan 1971 [Akta 50];

“Pegawai Penjara” ertinya seseorang kakitangan berpakaian seragam jabatan penjara daripada dan termasuklah pangkat Komisioner Jeneral Penjara ke bawah sehingga dan termasuklah Wadar sebagaimana seksyen 2 Akta Penjara;

“Pegawai Sebat” ertinya Pegawai Jabatan Penjara yang dilantik oleh Komisioner Jeneral Penjara dan bertanggungjawab melaksanakan hukuman sebat;

“Pendaftar” ertinya Ketua Pendaftar Mahkamah Rayuan Syariah, Pendaftar Mahkamah Tinggi Syariah, atau Penolong Pendaftar Mahkamah Rendah Syariah, mengikut mana-mana yang berkenaan, yang dilantik di bawah seksyen 45 Akta Pentadbiran atau mana-mana undang-undang bertulis negeri-negeri berkaitan⁴;

³ Seksyen 55 Enakmen Pentadbiran Agama Islam (Negeri Johor) 2003, Seksyen 3 Enakmen Mahkamah Syariah (Kedah Darul Aman) 2008, Seksyen 8 Enakmen Pentadbiran Mahkamah Syariah 1982 (Kelantan), Seksyen 43 Enakmen Pentadbiran Agama Islam (Negeri Melaka) 2002, Seksyen 55 Enakmen Pentadbiran Agama Islam (Negeri Sembilan) 2003, Seksyen 42 Enakmen Pentadbiran Undang-Undang Islam 1991 (Pahang), Seksyen 55 Enakmen Pentadbiran Agama Islam (Negeri Pulau Pinang) 2004, Seksyen 44 Enakmen Pentadbiran Agama Islam (Perak) 2004, Seksyen 55 Enakmen Pentadbiran Agama Islam 2006 (Perlis), Seksyen 4 Enakmen Mahkamah Syariah 2004 (Sabah), Seksyen 3 Ordinan Mahkamah Syariah 2001 (Sarawak), Seksyen 55 Enakmen Pentadbiran Agama Islam (Negeri Selangor) 2003 dan Seksyen 4 Enakmen Mahkamah Syariah (Terengganu) 2001.

⁴ Seksyen 60 Enakmen Pentadbiran Agama Islam (Negeri Johor) 2003, Seksyen 19 Enakmen Mahkamah Syariah (Kedah Darul Aman) 2008, Subseksyen 7(1)(d) Enakmen Pentadbiran Mahkamah Syariah 1982 (Kelantan), Seksyen 48 Enakmen Pentadbiran Agama Islam (Negeri Melaka) 2002, Seksyen 60 Enakmen Pentadbiran Agama Islam (Negeri Sembilan) 2003, Seksyen 46 Enakmen Pentadbiran Undang-Undang Islam (Pindaan) 2015 (Pahang), Seksyen 60 Enakmen Pentadbiran Agama Islam (Negeri Pulau Pinang) 2004, Seksyen 15 Enakmen Mahkamah Syariah (Perak) 2018, Seksyen 60 Enakmen Pentadbiran Agama Islam 2006 (Perlis), Seksyen 10 Enakmen Mahkamah Syariah 2004 (Sabah), Seksyen 9 Ordinan Mahkamah Syariah 2001 (Sarawak), Seksyen 60 Enakmen Pentadbiran Agama Islam (Negeri Selangor) 2003 dan Seksyen 10 Enakmen Mahkamah Syariah (Terengganu) 2001.

“Pendakwa Syarie” ertinya seorang pegawai yang dilantik di bawah subseksyen 58(3) Akta Pentadbiran atau mana-mana undang-undang bertulis negeri-negeri berkaitan⁵; dan

“pesalah” ertinya pihak yang telah disabitkan kesalahan, telah dijatuhi hukuman sebat di luar penjara tanpa dipenjarakan di bawah Akta Kesalahan Jenayah Syariah (Wilayah-Wilayah Persekutuan) 1997 [Akta 559] atau mana-mana undang-undang bertulis negeri-negeri⁶ dan ketika hukuman dijatuhkan bukanlah seorang banduan yang sedang ditahan di mana-mana penjara.

Orang yang dikehendaki hadir

3. Selain daripada pegawai-pegawai yang bertanggungjawab dalam SOP ini, tertakluk pada perintah Mahkamah, pelaksanaan hukuman sebat hendaklah disaksikan sekurang-kurangnya—

- (a) mana-mana Pegawai Kehakiman Syariah;
- (b) seorang Pendakwa Syarie; dan
- (c) orang yang difikirkan patut hadir oleh Mahkamah.

Keperluan dan persediaan hukuman sebat

4. Pelaksanaan hukuman sebat di hadapan Mahkamah atau di mana-mana tempat yang diperintahkan oleh Mahkamah selain di penjara hendaklah dilaksanakan setelah keperluan dan persediaan hukuman oleh Mahkamah dan agensi pelaksana atau agensi penguat kuasa telah dibuat—

- (1) Mahkamah yang mengarahkan hukuman dilaksanakan sama ada di Mahkamah itu atau di mana-mana tempat selain penjara, hendaklah memastikan dan menyediakan—

⁵ Subseksyen 78(3) Enakmen Pentadbiran Agama Islam (Negeri Johor) 2003, subseksyen 44(3) Enakmen Mahkamah Syariah (Kedah Darul Aman) 2008, Subseksyen 7(1)(c) Enakmen Pentadbiran Mahkamah Syariah 1982 (Kelantan), Subseksyen 66(3) Enakmen Pentadbiran Agama Islam (Negeri Melaka) 2002, Subseksyen 78(3) Enakmen Pentadbiran Agama Islam (Negeri Sembilan) 2003, Subseksyen 65(3) Enakmen Pentadbiran Undang-Undang Islam 1991 (Pahang), Subseksyen 78(3) Enakmen Pentadbiran Agama Islam (Negeri Pulau Pinang) 2004, Subseksyen 67(3) Enakmen Pentadbiran Agama Islam (Perak) 2004, Subseksyen 78(3) Enakmen Pentadbiran Agama Islam 2006 (Perlis), Subseksyen 30(3) Enakmen Mahkamah Syariah 2004 (Sabah), Subseksyen 26(3) Ordinan Mahkamah Syariah 2001 (Sarawak), Subseksyen 78(3) Enakmen Pentadbiran Agama Islam (Negeri Selangor) 2003 dan Subseksyen 55(3) Enakmen Pentadbiran Hal Ehwal Agama Islam (Terengganu) 1442H/2001M.

⁶ Enakmen Kesalahan jenayah Syariah 1997 (Johor), Enakmen Kesalahan Jenayah Syariah (Kedah Darul Aman) 2014, Enakmen Kanun Jenayah Syariah 1985 (Kelantan), Enakmen Kesalahan Syariah (Negeri Melaka) 1991, Enakmen Jenayah Syariah (Negeri Sembilan) 1992, Enakmen Kesalahan Jenayah Syariah 2013 (Pahang), Enakmen Kesalahan jenayah Syariah (Negeri Pulau Pinang) 1996, Enakmen Jenayah (Syariah) 1992 (Perak), Enakmen Jenayah Dalam Syarak 1991 (Perlis), Enakmen Kesalahan Jenayah Syariah 1995 (Sabah), Ordinan Kesalahan Jenayah Syariah 2001 (Sarawak), Enakmen Jenayah Syariah (Selangor) 1995 dan Enakmen Kesalahan Jenayah Syariah (Takzir)(Terengganu) 2001.

- (a) Bilik Pemeriksaan Khas
 - (i) Bilik Pemeriksaan Khas yang tertutup disediakan sebagai tempat bagi Pegawai Perubatan Kerajaan menjalankan pemeriksaan kesihatan ke atas pesalah sebelum dan selepas sebatan dilaksanakan; dan
 - (ii) hendaklah dilengkapi dengan sebuah “*couch*” katil pemeriksaan pesalah, sebuah meja dan sekurang-kurangnya dua (2) buah kerusi.
- (b) Kerusi sebatan
 - (i) Kerusi sebatan sebagai tempat duduk pesalah wanita ketika menjalani hukuman sebat; dan
 - (ii) kerusi sebatan itu hendaklah mengikut spesifikasi yang telah ditentukan oleh Jabatan Penjara Malaysia.
- (c) Memilih dan melantik pegawai yang mencukupi
 - (i) Mahkamah hendaklah menyediakan pegawai mahkamah dan pegawai keselamatan mahkamah yang mencukupi bagi memastikan aspek keselamatan adalah terkawal di samping pematuhan terhadap peraturan, kod etika dan prosedur berkaitan dengan pelaksanaan hukuman; dan
 - (ii) pegawai mahkamah yang dilantik hendaklah diberikan taklimat atau penerangan mengenai tugas dan tanggungjawab masing-masing sekurang-kurangnya satu (1) hari sebelum pelaksanaan hukuman.
- (2) Kementerian Kesihatan Malaysia, Jabatan Kesihatan Negeri dan Pejabat Kesihatan Daerah hendaklah bertanggungjawab mengawal selia, memastikan dan menyediakan—
 - (a) Pegawai Perubatan Kerajaan
 - (i) Pegawai Perubatan Kerajaan akan ditemani “*chaperone*” mengikut jantina yang sesuai semasa pemeriksaan ke atas pesalah dibuat;
 - (ii) Pegawai Perubatan Kerajaan hendaklah mematuhi tarikh dan waktu kehadiran yang ditetapkan Mahkamah;
 - (iii) Pegawai Perubatan Kerajaan semasa hadir ke tempat pelaksanaan hukuman hendaklah mematuhi kod etika pakaian yang telah ditetapkan oleh Kementerian Kesihatan Malaysia yang bersesuaian; dan

- (iv) Pegawai Perubatan Kerajaan perlu mempamerkan kad pengenalan diri Jabatan dengan jelas.
- (b) Menyediakan peralatan pemeriksaan kesihatan
 - (i) Pegawai Perubatan Kerajaan hendaklah membawa bersamanya peralatan perubatan bagi tujuan pemeriksaan dan apa-apa tindakan patut yang perlu. Peralatan tersebut antaranya:
 - (A) Alat Pengukur Tekanan Darah (*sphygmomanometer*);
 - (B) *stethoscope*;
 - (C) *thermometer*;
 - (D) kit ujian kehamilan;
 - (E) apa-apa ujian, peralatan atau ubat yang difikirkan perlu.
 - dan
 - (ii) Pegawai Perubatan Kerajaan hendaklah memuaskan hatinya bahawa langkah berjaga-jaga telah diambil bagi memastikan segala peralatan berkaitan, disenggarakan dalam keadaan baik dan teratur.
- (3) Jabatan Penjara Malaysia hendaklah memastikan dan menyediakan–
 - (a) Pegawai Sebat–
 - (i) Pegawai Sebat adalah pegawai pelaksana hukuman yang beragama Islam dan hadir untuk melaksanakan hukuman di Mahkamah atau di mana-mana tempat hukuman selain di penjara;
 - (ii) Pegawai Sebat hendaklah bertanggungjawab menjalankan hukuman sebat dan dia dan Pegawai Penjara yang terlibat hendaklah membiasakan diri mereka sendiri dengan arahan untuk menjalankan hukuman berkenaan;
 - (iii) Pegawai Sebat hendaklah mematuhi tarikh dan waktu kehadiran yang ditetapkan setelah menerima pemakluman daripada Mahkamah;
 - (iv) Pegawai Sebat yang dipilih dan hadir ke tempat pelaksanaan hukuman hendaklah mengikut jantina pesalah yang menjalani hukuman; dan

- (v) sekiranya pada hari pelaksanaan hukuman itu, pesalah terdiri daripada lelaki dan wanita maka dua (2) orang Pegawai Sebat hendaklah hadir bersama.
- (b) Peralatan sebat–
 - (i) Tertakluk pada subseksyen 125(2) Akta Tatacara Jenayah Syariah (Wilayah-Wilayah Persekutuan) 1997 [Akta 560] atau mana-mana undang-undang bertulis negeri-negeri yang berkaitan⁷, Pegawai Sebat hendaklah memastikan bersamanya pada hari pelaksanaan hukuman alat sebatan, tidak termasuk pemegangnya, hendaklah daripada jenis yang sama dan dibuat sama ada daripada rotan atau ranting kecil pokok yang tiada ruas atau buku dan panjangnya tidak melebihi 1.22 meter dan tebalnya tidak melebihi 1.25 sentimeter;
 - (ii) alat sebatan itu hendaklah mencukupi mengikut bilangan pesalah yang dihukum pada hari tersebut; dan
 - (iii) Pegawai Sebat dan Pegawai Penjara yang lain hendaklah memuaskan hati mereka bahawa langkah berjaga-jaga telah diambil bagi memastikan segala peralatan berkaitan dengan pelaksanaan hukuman sebat disenggarakan dan berada dalam keadaan baik dan teratur.
- (c) Pakaian khas pesalah–
 - (i) Pesalah hendaklah mengenakan pakaian khas yang disediakan oleh Jabatan Penjara Malaysia; dan
 - (ii) Jabatan Penjara Malaysia hendaklah memastikan pakaian khas mencukupi kerana ia tidak boleh dikongsi penggunaannya dengan pesalah yang lain pada hari yang sama pelaksanaan hukuman dijalankan.
- (4) Polis Diraja Malaysia hendaklah memastikan dan menyediakan anggotanya untuk membantu menjaga keselamatan tempat pelaksanaan hukuman dan ketenteraman awam sepanjang pelaksanaan hukuman dijalankan.

⁷ Subseksyen 125(2) Enakmen Tatacara Jenayah Syariah (Negeri Johor) 2003, Subseksyen 126(2) Enakmen Tatacara Jenayah Syariah (Kedah Darul Aman) 2014, Subseksyen 125(2) Enakmen Tatacara Jenayah Syariah 2002 (Kelantan), Subseksyen 125(2) Enakmen Tatacara Jenayah Syariah (Negeri Melaka) 2002, Subseksyen 129(2) Enakmen Tatacara Jenayah Syariah (Negeri Sembilan) 2003, Subseksyen 125(2) Enakmen Tatacara Jenayah Syariah 2002 (Pahang), Subseksyen 125(2) Enakmen Tatacara Jenayah Syariah (Negeri Pulau Pinang) 2004, Subseksyen 125(2) Enakmen Tatacara Jenayah Syariah (Perak) 2004, Subseksyen 125(2) Enakmen Tatacara Jenayah Syariah 2006 (Perlis), Subseksyen 125(2) Enakmen Tatacara Jenayah Syariah 2004 (Sabah), Subseksyen 125(2) Ordinan Tatacara Jenayah Syariah 2001 (Sarawak), Subseksyen 125(2) Enakmen Tatacara Jenayah Syariah (Negeri Selangor) 2003 dan Subseksyen 125(2) Enakmen Tatacara Jenayah Syariah (Terengganu) 2001.

Tugas dan tanggungjawab umum agensi dan pegawai pelaksana hukuman

5. Agensi pelaksana hukuman hendaklah melaksanakan tugas dan tanggungjawab untuk memastikan pelaksanaan hukuman sebatan berjalan lancar, teratur dan mengikut prosedur yang ditetapkan—

(1) Jabatan Agama Islam Negeri-Negeri—

(a) Pegawai Penguat Kuasa Agama (PPA)

- (i) Mengawal dan memastikan pesalah setelah disabit dan dijatuhi hukuman oleh Mahkamah;
 - a. memastikan pesalah telah melengkap dan menerima Bon Kehadiran Pesalah yang dikeluarkan Mahkamah sebelum pesalah dilepas atau dibenarkan meninggalkan Mahkamah;
 - b. mengambil langkah perlu memperingatkan pesalah mengenai tarikh dan masa hadir semula ke Mahkamah atau ke mana-mana premis yang ditetapkan Mahkamah sebagai persediaan pelaksanaan hukuman; dan
 - c. jika pesalah ingkar hadir atau melanggar syarat bon pada hari pelaksanaan hukuman, PPA hendaklah menguatkuasakan Waran Tangkap yang akan dikeluarkan Mahkamah.
- (ii) PPA hendaklah hadir dan berada di tempat pelaksanaan hukuman pada hari pelaksanaan hukuman bagi memastikan keselamatan dan mengawal pesalah; dan
- (iii) bertanggungjawab membawa dan menyebabkan pesalah selamat sampai di tempat pelaksanaan hukuman dan kembali ke Mahkamah dengan selamat selepas pelaksanaan hukuman dijalankan.

(2) Mahkamah Tinggi Syariah

(a) Hakim—

- (i) Semua prosiding yang melibatkan Hakim dilaksanakan di Mahkamah sama ada di Dewan Bicara Mahkamah Terbuka atau Kamar Hakim Bicara;

- (ii) Setelah tamat tempoh empat belas (14) hari dari tarikh hukuman itu atau, jika ada rayuan, sehingga pengesahan keputusan dibuat oleh Mahkamah yang lebih tinggi, Pendaftar hendaklah seberapa segera mendapatkan arahan Hakim untuk mengeluarkan waran pelaksanaan hukuman, bon, notis dan surat pemakluman pelaksanaan hukuman sebat di luar penjara ke atas pesalah dan agensi penguat kuasa atau agensi pelaksana bagi tujuan penguatkuasaan dan pelaksanaan hukuman;
 - (iii) mengeluarkan perintah bagi pelaksanaan hukuman sebat beserta waran pelaksanaan hukuman yang mengandungi tarikh, masa dan tempat pelaksanaan hukuman;
 - (iv) pemakluman mengenai tarikh pelaksanaan hukuman hendaklah dibuat sekurang-kurangnya dalam tempoh empat belas (14) hari dari sebelum hari pelaksanaan hukuman;
 - (v) jika pesalah ingkar/ gagal hadir pada hari pelaksanaan hukuman atau melanggar syarat-syarat bon, setelah mendapat makluman daripada Pendaftar, Hakim hendaklah–
 - (A) menetapkan semula tarikh dan tempat pelaksanaan hukuman sebatan; dan
 - (B) memerintahkan Waran Tangkap ke atas pesalah dikeluarkan.
 - (vi) jika hukuman tidak dapat dilaksanakan keseluruhan atau sebahagiannya atas sebab-sebab kesihatan dengan perakuan Pegawai Perubatan Kerajaan, setelah mendapat makluman daripada Pendaftar, Hakim hendaklah–
 - (A) menetapkan semula tarikh sebatan; atau
 - (B) setelah Pegawai Perubatan Kerajaan memperakui pesalah tidak layak menjalani hukuman sebatan pada keseluruhannya atau sebahagiannya, Hakim boleh memerintahkan hukuman itu dilaksanakan mengikut cara yang difikirkannya munasabah.
- dan
- (vii) jika pesalah wanita sedang hamil, dengan perakuan Pegawai Perubatan Kerajaan setelah mendapat makluman daripada Pendaftar, Hakim hendaklah–

- (A) menetapkan tarikh dan masa hukuman sehinggalah tamat tempoh dua (2) bulan selepas melahirkan anak⁸, dan anaknya berhenti menyusui selewat-lewatnya sehingga anak tersebut berumur dua (2) tahun, melainkan ada seseorang yang sanggup menyusukan anak itu dalam tempoh yang tersebut; dan
- (B) jika anaknya itu meninggal dunia dalam masa kandungan, Hakim tetapkan hukuman boleh dijalankan selepas enam puluh (60) hari dari tarikh keguguran⁹ tertakluk pada perakuan Pegawai Perubatan Kerajaan.

(b) Pendaftar–

Prosiding di Dewan Bicara Mahkamah Terbuka atau Kamar Hakim Bicara

- (i) Tertakluk pada tamat tempoh empat belas (14) hari dari tarikh hukuman itu atau, jika ada rayuan sehingga pengesahan keputusan dibuat oleh Mahkamah yang lebih tinggi, sebaik sahaja Hakim mengeluarkan arahan untuk mengeluarkan dokumen pelaksanaan hukuman, Pendaftar hendaklah dengan seberapa segera menyediakan dan mengeluarkan surat pemakluman dan Borang-Borang berkenaan seperti berikut:
 - (A) Waran Penahanan menggunakan Borang 1 (jika berkaitan);
 - (B) Waran Hukuman Penjara menggunakan Borang 2 selewat-lewatnya pukul 3.00 petang selepas hukuman dijatuhkan (jika berkaitan);
 - (C) Waran Tangkap menggunakan Borang 3;
 - (D) Bon Kehadiran Pesalah menggunakan Borang 4;
 - (E) Notis Penetapan Tempat Pelaksanaan Hukuman Sebat menggunakan Borang 5;
 - (F) Surat Pemakluman menggunakan Borang 6 (Penjara) dan Borang 7 (Pegawai Kesihatan Daerah);

⁸ Rujuk kepada subseksyen 125(3)(b) Akta/ Enakmen/ Ordinan Tatacara Jenayah Syariah Negeri-negeri dan subseksyen 129(3)(b) Enakmen Tatacara Jenayah Syariah (Negeri Sembilan) 2003, kecuali Kedah di dalam subseksyen 126(3)(b) Enakmen Tatacara Jenayah Syariah (Kedah Darul Aman) 2014 yang menyatakan tangguh hukuman sehingga tamat tempoh 3 bulan (90 hari) selepas kelahiran anak atau keguguran, mana-mana yang berkenaan.

⁹ *Ibid.*

- (G) Waran Pelaksanaan Hukuman Sebat menggunakan Borang 8; atau/dan
 - (H) Pengesahan Tiada Rayuan Terhadap Hukuman Atau Tempoh Rayuan Telah Tamat menggunakan Borang 9.
- (ii) jika pesalah ingkar/gagal hadir di Mahkamah pada hari pelaksanaan hukuman, seberapa segera hendaklah memaklumkan kepada Hakim berkenaan ketidakhadiran pesalah sama ada tidak hadir dengan alasan yang munasabah atau tanpa alasan;
 - (iii) dengan arahan Hakim, bagi yang tidak hadir pada hari pelaksanaan hukuman, sama ada pesalah ingkar/ gagal hadir tanpa alasan yang munasabah atau alasannya ditolak oleh Hakim, Pendaftar hendaklah mengeluarkan waran tangkap ke atas pesalah tersebut dan menyerahkannya kepada Pegawai Penguat Kuasa Agama Jabatan Agama Islam Negeri-Negeri atau Polis Diraja Malaysia bagi tujuan penguatkuasaan;
 - (iv) bagi pesalah yang ingkar/ gagal hadir tanpa alasan yang munasabah atau alasannya ditolak oleh Hakim sepertimana perenggan (iii) di atas, Pendaftar hendaklah menguruskan prosiding perampasan/ pembatalan bon kehadiran pesalah;
 - (v) jika waran tangkap dilaksanakan dan pesalah dibawa di hadapan Hakim, tertakluk pada arahan Hakim, Pendaftar hendaklah menyediakan dokumen dan keperluan berkaitan bagi tujuan penahanan dan pelaksanaan hukuman sebat ke atas pesalah itu di penjara (Borang 1-Waran Penahanan, Borang 2-Waran Hukuman Penjara & Borang 8-Waran Pelaksanaan Hukuman Sebat di penjara);
 - (vi) sekiranya pesalah hadir di Mahkamah pada hari pelaksanaan hukuman, Pendaftar hendaklah mengesahkan kehadiran pesalah melalui pemeriksaan dokumen pengenalan diri pesalah;
 - (vii) Pendaftar hendaklah mengarahkan Pegawai Penguat Kuasa Agama/ Pegawai Mahkamah/ Pegawai Keselamatan Mahkamah membawa dengan selamat pesalah ke tempat pelaksanaan hukuman;
 - (viii) jika hukuman sebat ditangguh, dibatal atau telah dilaksanakan sebahagiannya, seberapa segera Pendaftar memaklumkan hal demikian kepada Hakim bagi menentukan tindakan dan tarikh prosiding yang selanjutnya;

- (ix) tertakluk pada perenggan (viii) di atas, Pendaftar hendaklah mengeluarkan atau melanjutkan Bon Kehadiran Pesalah (Borang 4); dan
- (x) Pendaftar hendaklah mengambil apa-apa langkah yang patut memaklumkan kepada pihak-pihak berkenaan termasuklah di tempat pelaksanaan hukuman berkaitan dengan pembatalan dan penangguhan tersebut.

Prosiding di Tempat Pelaksanaan Hukuman

- (i) Memastikan kehadiran pesalah dengan selamat di Tempat Pelaksanaan Hukuman;
 - (ii) memastikan Pegawai Penguat Kuasa Agama/ Pegawai Mahkamah/ Pegawai Keselamatan Mahkamah membawa pesalah dengan selamat ke Bilik Pemeriksaan Khas;
 - (iii) mengambil langkah berjaga-jaga dengan memastikan pesalah berada di dalam keadaan baik di dalam Bilik Pemeriksaan Khas bagi mengikuti prosedur pemeriksaan kesihatan dan persiapan uniform Jabatan Penjara Malaysia;
 - (iv) pada hari pelaksanaan hukuman, Pendaftar hendaklah memberi taklimat ringkas kepada orang awam yang menyaksikan pelaksanaan hukuman, berkaitan dengan tatacara dan peraturan semasa berada di lokasi pelaksanaan hukuman;
 - (v) tertakluk pada laporan pemeriksaan kesihatan oleh Pegawai Perubatan Kerajaan, jika Pesalah layak disebat, Pendaftar memaklumkan Pegawai Penjara bahawa prosiding hukuman sebat sedia dilaksanakan;
 - (vi) mengumumkan prosiding hukuman sebatan bermula, selesai atau/ dan ditangguhkan kerana sebab-sebab sebagaimana subseksyen 125(3)(j) dan (5) Akta 560 atau mana-mana undang-undang bertulis negeri-negeri¹⁰; dan
 - (vii) jika perlu, Pendaftar boleh memberikan ucapan ringkas kepada hadirin setelah selesai hukuman dilaksanakan.
- (c) Pegawai Penguat Kuasa Agama, Pegawai Mahkamah atau Pegawai Keselamatan Mahkamah hendaklah–
- (i) membawa dengan selamat pesalah pergi dan balik dari Mahkamah ke tempat pelaksanaan hukuman dan sebaliknya;

¹⁰ Rujuk kepada subseksyen 125(3)(j)&(5) Akta/ Enakmen/ Ordinan Tatacara Jenayah Syariah Negeri-negeri, subseksyen 129(3)(j)&(5) Enakmen Tatacara Jenayah Syariah (Negeri Sembilan) 2003 dan subseksyen 126(3)(j)&(5) Enakmen Tatacara Jenayah Syariah (Kedah Darul Aman) 2014.

- (ii) membantu dan memastikan kelancaran perjalanan pelaksanaan hukuman sebat;
 - (iii) mengawal keselamatan sepanjang perjalanan pelaksanaan hukuman sebat;
 - (iv) mendaftarkan kehadiran orang awam yang menyaksikan hukuman sebat dalam Buku Rekod Kehadiran Pelaksanaan Hukuman Sebat;
 - (v) memeriksa beg orang awam bagi memastikan mereka menyerahkan telefon bimbit, kamera, alat perakam atau peralatan lain yang dilarang sama sekali dibawa masuk sebelum mereka dibenarkan masuk ke dalam tempat pelaksanaan hukuman;
 - (vi) menyimpan dengan selamat semua peralatan yang diserahkan oleh orang awam;
 - (vii) membantu mengawal dan mengiringi pesalah ke Bilik Pemeriksaan Khas bagi menjalani pemeriksaan kesihatan sebelum dan selepas hukuman dilaksanakan;
 - (viii) mengembalikan semula semua peralatan orang awam setelah selesai pelaksanaan hukuman sebat; dan
 - (ix) hendaklah memuaskan hatinya bahawa langkah berjaga-jaga telah diambil bagi memastikan segala peralatan berkaitan, disenggarakan dalam keadaan baik, teratur dan segala persediaan fizikal pada hari pelaksanaan hukuman sedia digunakan.
- (3) Kementerian Kesihatan Malaysia, Jabatan Kesihatan Negeri dan Pejabat Kesihatan Daerah
- (a) Pegawai Kesihatan Daerah di Pejabat Kesihatan Daerah hendaklah–
 - (i) memilih, melantik dan mengarah Pegawai Perubatan Kerajaan hadir ke Mahkamah pada tarikh, masa dan tempat ditetapkan dengan membawa peralatan lengkap setelah menerima pemakluman dan notis berkaitan daripada Mahkamah; dan
 - (ii) pemilihan, penentuan bilangan Pegawai Perubatan Kerajaan dan peralatan hendaklah merujuk kepada perenggan 4(2) (a) SOP ini.

(b) Pegawai Perubatan Kerajaan

- (i) Memeriksa dan memastikan kesihatan pesalah sebelum hukuman dilaksanakan menggunakan Borang 10(a) dan Borang 10(b), manakala ketika/ selepas hukuman dilaksanakan Pegawai Perubatan Kerajaan bolehlah menggunakan Borang 11;
- (ii) sama ada memperakukan pesalah boleh atau tidak dihukum pada hari pelaksanaan hukuman;
- (iii) setelah pemeriksaan ke atas pesalah dibuat, jika Pegawai Perubatan Kerajaan tidak memperakukan pesalah dihukum pada hari tersebut atau tidak wajar dihukum sebat, Pegawai Perubatan Kerajaan hendaklah memaklumkan seberapa segera kepada Mahkamah untuk menangguh pelaksanaan hukuman pada masa tersebut atau jika hukuman telah dijalankan sebahagiannya dan dia berpendapat baki hukuman tidak wajar diteruskan;
- (iv) menyediakan laporan ketika/ selepas hukuman dilaksanakan dengan menggunakan Borang 11 dan menyerahkan kepada Mahkamah berkenaan tahap kesihatan, alasan atau sebab penangguhan hukuman atau baki hukuman tidak dapat dilaksanakan atau hukuman sebat tidak wajar dikenakan ke atas pesalah;
- (v) mengisi Borang Rujukan Ke klinik kesihatan/ hospital (Borang 10(c)) bagi tindakan pemeriksaan/ rawatan lanjut pesalah di klinik kesihatan/ hospital berdekatan; dan
- (vi) merahsiakan laporan, tarikh, masa, tempat hukuman dan identiti pesalah yang menjalani hukuman itu sepertimana yang ditetapkan oleh kod, etika atau apa-apa peraturan bertulis Kementerian Kesihatan Malaysia.

(4) Jabatan Penjara Malaysia

Pegawai Penjara yang berkenaan hendaklah melaksanakan tugas dan tanggungjawab bagi memastikan pelaksanaan hukuman sebatan berjalan lancar, teratur dan mengikut prosedur yang telah ditetapkan oleh Jabatan Penjara Malaysia.

(5) Polis Diraja Malaysia

Anggota PDRM yang berkenaan hendaklah melaksanakan tugas dan tanggungjawab bagi memastikan keselamatan di tempat pelaksanaan hukuman sebatan untuk ketenteraman awam.

Pelaksanaan hukuman

6. Pegawai Perubatan Kerajaan, Pegawai Sebat dan Pegawai Penjara hendaklah mematuhi prosedur seperti berikut:

- (1) Pegawai Perubatan Kerajaan hendaklah—
 - (a) Sebelum pelaksanaan hukuman
 - (i) membuat pemeriksaan kesihatan terhadap pesalah di Bilik Pemeriksaan Khas diiringi oleh *chaperon* (jika perlu) dengan menggunakan Borang 10(a) dan untuk keselamatan, akan diawasi oleh pegawai mahkamah atau pegawai keselamatan mahkamah;
 - (ii) mengambil dan merekod tanda vital iaitu suhu, tekanan darah, kadar denyutan nadi, kadar pernafasan dan skor kesakitan (jika perlu);
 - (iii) memeriksa sistem badan yang lain seperti sistem jantung, pernafasan, abdomen dan lain-lain pemeriksaan yang dirasakan perlu pada waktu itu; dan
 - (iv) jika pesalah wanita, ujian kehamilan hendaklah diadakan.
 - (v) merekod dan mencatat keputusan pemeriksaan fizikal dan apa-apa ujian ke atas pesalah ke dalam Borang Pemeriksaan Kesihatan (Borang 10(b));
 - (vi) memperaku kepada Pendaftar bahawa pesalah layak untuk menjalani hukuman;
 - (vii) jika pesalah tidak diperakui untuk menjalani hukuman pada masa itu, Pegawai Perubatan Kerajaan hendaklah memperakukan kepada Pendaftar untuk menangguhkan pelaksanaan hukuman atau apa-apa pengesyoran yang wajar;
 - (viii) pesalah yang ketika pemeriksaan dibuat mempunyai simptom-simptom atau ciri-ciri atau Pegawai Perubatan Kerajaan mempercayai pelaksanaan hukuman pada masa itu akan menyebabkan simptom-simptom atau ciri-ciri seperti berikut:
 - (A) mengalami kesukaran bernafas, sakit dada yang kuat, pengsan, sawan, kesakitan bahagian dada atau sebagainya yang akan memudaratkan pesalah;
 - (B) mempunyai luka yang besar atau jangkitan kuman yang serius pada bahagian yang akan disebat;

- (C) apa-apa sebab kesihatan yang munasabah; atau
- (D) jika pesalah wanita didapati hamil, Pegawai Perubatan Kerajaan hendaklah memperaku kepada Pendaftar, Pendaftar hendaklah menangguhkan prosiding hukuman serta-merta dan merujuk seberapa segera laporan Pegawai Perubatan kepada Hakim;

dan

- (ix) jika perlu, rujuk pesalah ke klinik kesihatan/ hospital berdekatan dengan menggunakan Borang 10(c)
- (b) Ketika pelaksanaan hukuman
- (i) menghadiri ketika pelaksanaan hukuman dijalankan dan membuat pemerhatian terhadap keadaan pesalah sama ada berupaya untuk meneruskan atau tidak baki hukuman sebatan yang belum dilaksanakan ke atasnya;
 - (ii) seberapa segera yang boleh memaklumkan kepada Pendaftar untuk menangguhkan atau tidak meneruskan baki hukuman setelah berpuas hati bahawa kesakitan yang dialami pesalah itu akan memberi mudarat kepada nyawanya sekiranya hukuman diteruskan;
 - (iii) tertakluk pada tahap kesihatan pesalah, mencadangkan kepada Mahkamah suatu tempoh penangguhan yang sesuai bagi meneruskan baki hukuman sebagaimana yang dinyatakan di dalam Borang 11;
 - (iv) sama ada hukuman disempurnakan atau jika keseluruhan atau baki hukuman sebat ke atas pesalah tidak dihabiskan atau diberhentikan sama sekali, Pegawai Perubatan Kerajaan hendaklah menyediakan dan membuat laporan lengkap dalam Borang 11 bagi memaklumkan tahap kesihatan pesalah kepada Mahkamah dalam tempoh tujuh (7) hari selepas penyempurnaan atau pemberhentian pelaksanaan hukuman; dan
 - (v) jika perlu, rujuk pesalah ke klinik kesihatan/ hospital berdekatan dengan menggunakan Borang 10(c).
- (c) Selepas pelaksanaan hukuman
- (i) Membuat pemeriksaan semula ke atas pesalah dan merekodkan butiran pemeriksaan di ruang Pemeriksaan Fizikal Selepas Prosedur dalam Borang 11;

- (ii) jika terdapat kecederaan atau apa-apa kesan lain pada bahagian badan akibat hukuman, seberapa segera rawatan hendaklah diberikan;
 - (iii) sama ada hukuman telah disempurnakan atau jika keseluruhan atau baki hukuman sebatan ke atas pesalah tidak dihabiskan atau diberhentikan sama sekali, Pegawai Perubatan Kerajaan hendaklah menyediakan dan membuat laporan lengkap dalam Borang 11 bagi memaklumkan tahap kesihatan pesalah kepada Mahkamah dalam tempoh tujuh (7) hari selepas penyempurnaan atau pemberhentian pelaksanaan hukuman; dan
 - (iv) jika perlu, rujuk pesalah ke klinik kesihatan/ hospital berdekatan dengan menggunakan Borang 10(c).
- (2) Pegawai Penjara dan Pegawai Sebat hendaklah–
- (a) Sebelum pelaksanaan hukuman
 - (i) Pegawai Sebat hendaklah bertanggungjawab menjalankan hukuman sebatan dan dia dan Pegawai Penjara yang terlibat hendaklah membiasakan diri mereka sendiri dengan arahan menjalankan hukuman sebat di Mahkamah atau di mana-mana tempat selain penjara;
 - (ii) memastikan pesalah telah diperakui tahap kesihatannya dan jantainya oleh Pegawai Perubatan Kerajaan bagi membolehkan pelaksanaan hukuman dilakukan oleh Pegawai Sebat yang sama jantina dengan pesalah;
 - (iii) sama ada pesalah tidak digari atau dibelenggu tertakluk pada langkah berjaga-jaga kelarian pesalah atas pertimbangan Pegawai Penjara;
 - (iv) memastikan peralatan hukuman telah disediakan secukupnya sebagaimana di perenggan 4(3)(b);
 - (v) memastikan pesalah telah memakai pakaian sebagaimana perenggan 4(3)(c); dan
 - (vi) membacakan kesalahan, hukuman dan perintah Mahkamah dengan jelas di hadapan pesalah.
 - (b) Ketika pelaksanaan hukuman
 - (i) sebatan hendaklah dikenakan atas mana-mana anggota tubuh kecuali muka, kepala, dada, perut dan bahagian-bahagian sulit pesalah;

- (ii) memastikan pesalah lelaki dalam keadaan berdiri dan pesalah wanita dalam keadaan duduk di atas kerusi yang telah ditetapkan;
 - (iii) pukulan sebatan hendaklah tidak mencederakan atau melukakan kulit pesalah;
 - (iv) ketika melaksanakan hukuman sebatan, Pegawai Sebat tidak boleh merenggangkan kedudukan lengan dengan bahagian tubuh serta tidak boleh mengangkat rotan hingga ke paras kepalanya;
 - (v) pukulan sebatan hendaklah berturut-turut dan tidak melebihi bilangan yang diperintahkan oleh mahkamah;
 - (vi) Pegawai Penjara hendaklah mencatatkan dalam buku hukuman sebatan masa hukuman itu dilaksanakan dan bilangan sebatan yang dikenakan ke atas pesalah;
 - (vii) Pegawai Penjara mengumumkan atau membuat pengiraan dengan jelas setiap kali sebatan yang dilaksanakan ke atas pesalah bermula daripada sebatan pertama sehingga yang terakhir bagi memastikan jumlah sebatan yang telah dijalani oleh pesalah adalah menepati bilangan hukuman sebatan yang dijatuhkan Mahkamah;
 - (viii) Pegawai Sebat hendaklah dengan serta-merta menghentikan sebatan pada bila-bila masa selepas Pegawai Perubatan Kerajaan memperakui bahawa pesalah itu tidak lagi dapat menerima sebatan, sebatan itu hendaklah ditangguhkan sehingga Pegawai Perubatan Kerajaan itu memperakui kepada Mahkamah bahawa pesalah itu layak untuk menjalani baki hukuman itu; dan
 - (ix) baki hukuman yang ditangguhkan hendaklah disempurnakan atau dilaksanakan mengikut cara yang difikirkan mahkamah adalah munasabah pada bila-bila masa tertakluk pada perintah Mahkamah.
- (c) Selepas pelaksanaan hukuman
- (i) Pegawai Penjara hendaklah memaklumkan kepada Pendaftar bahawa pesalah telah menjalani sebahagian hukuman sebatan jika sebatan ditangguhkan atau diberhentikan atau pesalah telah selesai menjalani keseluruhan hukuman; dan
 - (ii) memastikan segala peralatan berkaitan dengan pelaksanaan hukuman disenggara dan berada dalam keadaan baik serta teratur.



JADUAL PERTAMA: SINGKATAN DAN PROSES KERJA

JADUAL PERTAMA

SINGKATAN DAN PROSES KERJA

1. SINGKATAN

BIL	ISTILAH	PENGERTIAN
1.1.	SOP	Prosedur Operasi Standard
1.2.	MTS	Mahkamah Tinggi Syariah
1.3.	PPA	Pegawai Penguat Kuasa Agama
1.4.	H	Hakim Mahkamah Tinggi Syariah
1.5.	P	Pendaftar
1.6.	PM/PKM	Pegawai Mahkamah/Pegawai Keselamatan Mahkamah
1.7.	PNM	Penghantar Notis Mahkamah
1.8.	PK	Pegawai Kesihatan Daerah
1.9.	MO	Pegawai Perubatan Kerajaan
1.10.	JPM	Jabatan Penjara Malaysia
1.11.	PP	Pegawai Penjara
1.12.	PS	Pegawai Sebat
1.13.	PDRM	Polis Diraja Malaysia

2. PROSES KERJA

(1) HAKIM MENJATUHKAN HUKUMAN KE ATAS PESALAH

TANGGUNGJAWAB	TINDAKAN	TEMPAT
H	1.1 Menjatuhkan hukuman sebatan di luar penjara ke atas pesalah (yang bukan sedang menjalani hukuman pemenjaraan atau ke atas peasalah yang tidak dikenakan kombinasi hukuman penjara dan sebat).	Dewan Bicara Mahkamah/ Kamar Hakim Bicara
P	1.2 Keluarkan Bon Kehadiran Pesalah menggunakan Borang 4 seperti syarat bon ditetapkan H	
H	1.3 Hakim akan tetapkan tarikh sebutan bagi tujuan penetapan tarikh, masa dan tempat pelaksanaan hukuman sebat (tarikh sebutan yang ditetapkan hendaklah selepas luput tempoh rayuan).	
	1.4 Hakim hendaklah dengan budi bicara menetapkan apa-apa terma jaminan tambahan bagi memastikan kehadiran pesalah.	

(2) PROSIDING HAKIM MENETAPKAN TARIKH, MASA DAN TEMPAT PELAKSANAAN HUKUMAN

TANGGUNGJAWAB	TINDAKAN	TEMPAT
<p style="text-align: center;">H</p>	<p>2.1 Keluarkan ketetapan setelah tempoh rayuan telah luput dan pesalah tidak merayu hukuman</p> <p>2.2 H hendaklah dengan budi bicara menetapkan apa-apa terma jaminan tambahan bagi memastikan kehadiran pesalah.</p>	<p>Dewan Bicara Mahkamah/ Kamar Hakim Bicara</p>
<p style="text-align: center;">P</p>	<p>2.3 Keluarkan dan dapatkan tandatangan H berkenaan:</p> <ul style="list-style-type: none"> A. Bon Kehadiran Pesalah (Borang 4) - Lanjutkan bon jamin kepada pesalah bagi tujuan kehadiran Pesalah pada tarikh hukuman dilaksanakan. B. Penetapan Tempat Pelaksanaan Hukuman Sebat menggunakan Borang 5 C. Surat Pemakluman menggunakan Borang 6 (Pegawai Penjara) dan Borang 7 (Pegawai Kesihatan Daerah) D. Waran Pelaksanaan Hukuman Sebat menggunakan Borang 8 E. Pengesahan tiada rayuan terhadap hukuman atau tempoh rayuan telah tamat menggunakan Borang 9 <p>2.4 Kemuka semua dokumen tersebut kepada PNM bagi disampaikan kepada agensi berkenaan</p>	
<p style="text-align: center;">PNM</p>	<p>2.5 Hantar dokumen-dokumen kepada agensi berkenaan</p>	

(3) TINDAKAN PADA HARI PELAKSANAAN HUKUMAN

TANGGUNGJAWAB	TINDAKAN	TEMPAT
PERSEDIAAN SEBELUM SEBATAN		
P	3.1 Sediakan Bilik Pemeriksaan Khas yang lengkap, Kerusi Sebatan dan pilih petugas bagi mengendali dan memastikan kelancaran pelaksanaan hukuman pada hari ditetapkan.	Tempat pelaksanaan Hukuman
PK	3.2 Melantik dan memilih Pegawai Perubatan Kerajaan yang akan menjalankan pemeriksaan kesihatan pesalah pada hari pelaksanaan hukuman dan pastikan peralatan bagi tujuan pemeriksaan tersebut disediakan	Pejabat Kesihatan Daerah
JPM	3.3 Melantik dan memilih Pegawai Sebat yang akan melaksanakan sebatan dengan memastikan mereka membawa bersama peralatan ditetapkan pada hari pelaksanaan sebatan	Ibu Pejabat Jabatan Penjara Malaysia
PDRM	3.4 Mengarahkan anggota PDRM bertugas di tempat pelaksanaan hukuman pada hari pelaksanaan hukuman bagi memastikan keselamatan tempat pelaksanaan hukuman dan ketenteraman awam	Ibu Pejabat Polis Daerah
TINDAKAN PADA HARI SEBATAN		
P	3.5 Pendaftar memastikan kehadiran pesalah di Mahkamah pada hari pelaksanaan hukuman sebat 3.6 Pesalah hadir ke mahkamah pada masa yang ditetapkan sebelum dibawa Mahkamah ke Tempat Pelaksanaan Hukuman.	Mahkamah Bicara
P	Jika Pesalah Hadir 3.7 Pastikan pengenalan diri pesalah	

TANGGUNGJAWAB	TINDAKAN	TEMPAT
PPA/PM/PK	3.8 Pastikan keselamatan pesalah 3.9 Hantar pesalah dengan selamat ke Tempat Pelaksanaan Hukuman.	
P	3.10 Sambung proses kerja 3.19	
	Jika Pesalah Tidak Hadir	
P	3.11 Isytiharkan prosiding di tempat pelaksanaan hukuman ditangguhkan & bersurai.	Tempat Pelaksanaan Hukuman Sebat
H	3.12 Maklumkan kepada H ketidakhadiran pesalah dan sebab-sebab	Dewan Bicara Mahkamah/ Kamar Bakim Bicara
	3.13 H putuskan sama ada alasan ketidakhadiran diterima atau tidak.	
H/P	3.14 Jika tiada alasan munasabah daripada pihak Pesalah, bersambung PROSES KERJA (4) PROSIDING DI MAHKAMAH: PESALAH INGKAR/GAGAL HADIR TANPA SEBARANG ALASAN PADA HARI PELAKSANAAN HUKUMAN.	
H	3.15 Jika alasan diterima, tetapkan tarikh dan sebutan baharu bagi penetapan tarikh, masa dan tempat pelaksanaan hukuman sebat.	
	3.16 Lanjut Bon Kehadiran (bon jamin) kepada pesalah bagi tujuan kehadiran pada prosiding sebutan akan datang.	
P	3.17 Sediakan Bon Kehadiran yang telah dilanjutkan.	
	3.18 Bersambung sebagaimana PROSES KERJA (2): PROSIDING HAKIM MENETAPKAN TARIKH, MASA DAN TEMPAT PELAKSANAAN HUKUMAN.	

TANGGUNGJAWAB	TINDAKAN	TEMPAT
<p data-bbox="209 517 322 548">PM/PKM</p> <p data-bbox="223 900 308 931">PDRM</p> <p data-bbox="176 1104 355 1134">PPA/PM/PKM</p> <p data-bbox="244 1334 290 1365">MO</p>	<p data-bbox="426 274 928 333">PELAKSANAAN PROSES HUKUMAN SEBAT</p> <p data-bbox="426 350 772 380">A. SEBELUM SEBATAN</p> <p data-bbox="488 396 945 456">Pendaftaran Kehadiran Orang Awam</p> <p data-bbox="426 489 945 519">3.19 Daftarkan kehadiran orang awam</p> <p data-bbox="426 550 945 767">3.20 Periksa beg orang awam dan pastikan mereka menyerahkan telefon bimbit, kamera, alat perakam dan peralatan lain yang dilarang sebelum dibenarkan masuk ke dalam tempat pelaksanaan hukuman.</p> <p data-bbox="426 790 945 877">3.21 Simpan dengan selamat semua peralatan yang diserahkan oleh hadirin.</p> <p data-bbox="426 900 945 990">3.22 Pastikan keselamatan tempat pelaksanaan hukuman dan ketenteraman awam</p> <p data-bbox="426 1045 868 1075">Pemeriksaan Kesihatan Pesalah</p> <p data-bbox="426 1104 945 1165">3.23 Ketibaan pesalah di tempat pelaksanaan hukuman sebat</p> <p data-bbox="426 1252 945 1313">3.24 Bawa dan iringi pesalah ke dalam Bilik Pemeriksaan Khas</p> <p data-bbox="426 1334 945 1517">3.25 Jalankan Pemeriksaan Kesihatan ke atas pesalah mengikut prosedur ditetapkan dan catitkan hasil pemeriksaan ke dalam Borang 10(a) & Borang 10(b). Jika perlu gunakan Borang 10(c).</p> <p data-bbox="426 1540 945 1723">3.26 Memaklumkan kondisi kesihatan pesalah kepada PP/P melalui Borang 10(a), Borang 10(b) dan jika perlu Borang 10(c) sama ada pesalah bersedia menjalani hukuman atau sebaliknya.</p>	<p data-bbox="975 554 1140 672">Tempat Pelaksanaan Hukuman Sebat</p> <p data-bbox="975 1110 1140 1228">Tempat Pelaksanaan Hukuman Sebat</p> <p data-bbox="975 1338 1140 1426">Bilik Pemeriksaan Khas</p>

TANGGUNGJAWAB	TINDAKAN	TEMPAT
	<p>B. KETIKA PROSIDING SEBATAN</p> <p>Jika Pesalah Layak Menjalani Hukuman Sebat</p>	
P	3.27 Berikan taklimat ringkas mengenai tatacara dan peraturan prosiding sebatan kepada hadirin di dalam tempat pelaksanaan hukuman.	Tempat pelaksanaan Hukuman Sebat
PP	3.28 Persediaan uniform pesalah	Bilik Pemeriksaan Khas
PM/PKM	3.29 Bawa dan iringi pesalah masuk ke dalam Tempat Pelaksanaan Hukuman	
P	3.30 Maklumkan kepada PP & MO bahawa prosiding sebatan sedia untuk dilaksanakan	Tempat pelaksanaan Hukuman Sebat
PP	3.31 Membacakan dengan jelas berkaitan kesalahan, hukuman dan perintah Mahkamah di hadapan pesalah	
PS	3.32 Laksanakan sebatan sehingga selesai jumlah sebat yang dihukumkan Mahkamah mengikut prosedur yang ditetapkan	Tempat pelaksanaan Hukuman Sebat
PP	3.33 Membuat pengiraan dengan jelas di hadapan Mahkamah setiap kali sebatan dilaksanakan ke atas pesalah	
MO	3.34 Menyaksi dan memerhati kondisi pesalah sepanjang proses sebatan bagi memastikan sama ada pesalah boleh atau tidak meneruskan baki hukuman sebat yang belum dilaksanakan ke atasnya	
	3.35 (Jika perlu) mencelah dan maklumkan Mahkamah supaya baki sebatan tidak diteruskan sekiranya mendapati kondisi pesalah tidak membolehkan baki sebatan diteruskan	

TANGGUNGJAWAB	TINDAKAN	TEMPAT
PP	<p>3.36 Jalankan Pemeriksaan Kesihatan ke atas pesalah mengikut prosedur ditetapkan dan catitkan hasil pemeriksaan ke dalam Borang 11, dan jika perlu guna Borang 10(c) untuk rawatan/pemeriksaan lanjut pesalah.</p> <p>3.37 Mengumum dan memaklumkan kepada Mahkamah jumlah sebatan yang telah dilaksanakan atau baki sebatan yang belum dilaksanakan ke atas pesalah sebelum penangguhan atau pemberhentian</p> <p>Jika Pesalah tidak layak Menjalani/menghabiskan hukuman sebatan</p>	
P	<p>3.38 Maklumkan prosiding sebatan ditangguhkan sebagaimana subseksyen 125(3)(j) & (5) Akta 560 atau mana-mana undang-undang bertulis negeri berkaitan & isytiharkan prosiding tamat.</p> <p>Pengurusan hadirin</p>	Tempat pelaksanaan Hukuman Sebat
P	<p>3.39 Minta hadirin meninggalkan tempat pelaksanaan hukuman.</p>	Tempat pelaksanaan Hukuman Sebat
PM/PKM	<p>3.40 Mengembalikan semua peralatan hadirin</p>	
PDRM	<p>3.41 Pastikan keselamatan tempat pelaksanaan hukuman dan ketenteraman awam</p> <p>Pengurusan Pesalah</p>	
PPA/PM/PKM	<p>3.42 Bawa dan iringi pesalah ke Bilik Pemeriksaan Khas</p>	Bilik Pemeriksaan Khas
PP	<p>3.43 Urusan penukaran uniform pesalah dan pengurusan dokumentasi</p>	

TANGGUNGJAWAB	TINDAKAN	TEMPAT
MO	3.44 Merawat Pesalah jika perlu, atau/ dan menyediakan Borang 10(c) untuk rujukan rawatan lanjut	
PPA/PM/PKM	3.45 Bawa pesalah dengan selamat ke mahkamah semula	Dewan Bicara Mahkamah/ Kamar Bakim Bicara
P	3.46 Pengurusan dokumentasi pesalah.	
	3.47 Bawa Pesalah ke hadapan H.	
H/P	3.48 Bersambung sebagaimana Proses Kerja (5) PROSIDING DI MAHKAMAH: HUKUMAN SEBATAN DITANGGUHKAN SEBAGAIMANA SUBSEKSYEN 125(3)(j) & (5) AKTA 560 ATAU MANA-MANA UNDANG-UNDANG BERTULIS NEGERI NEGERI BERKAITAN.	
	Jika Pesalah selesai disebut sepenuhnya	
PP	3.49 Mengumum dan memaklumkan kepada Mahkamah jumlah sebatan telah selesai dilaksanakan sepenuhnya	Tempat pelaksanaan Hukuman Sebat
P	3.50 Jika perlu berikan ucapan penutup	
	3.51 Isytiharkan prosiding selesai dan tamat	
	Pengurusan hadirin	
P	3.52 Minta hadirin meninggalkan tempat pelaksanaan hukuman.	Tempat pelaksanaan Hukuman Sebat
PM/PKM	3.53 Mengembalikan semua peralatan hadirin	
PDRM	3.54 Pastikan keselamatan tempat pelaksanaan hukuman dan ketenteraman awam	

TANGGUNGJAWAB	TINDAKAN	TEMPAT
	<i>Pengurusan Pesalah</i>	
PPA/PM/PKM	3.55 Bawa dan iringi pesalah ke Bilik Pemeriksaan Khas	Bilik Pemeriksaan Khas
PP	3.56 Urusan penukaran uniform pesalah dan pengurusan dokumentasi	
MO	3.57 Merawat pesalah jika perlu atau/ dan menyediakan Borang 10(c) untuk rujukan rawatan lanjut	
PPA/PM/PKM	3.58 Bawa pesalah dengan selamat ke mahkamah semula	Dewan Bicara Mahkamah/ Kamar Bakim Bicara
P	3.59 Pengurusan dokumentasi pesalah & Pesalah dilepaskan.	

(4) PROSIDING DI MAHKAMAH: PESALAH INKAR/GAGAL HADIR TANPA SEBARANG ALASAN PADA HARI PELAKSANAAN HUKUMAN

TANGGUNGJAWAB	TINDAKAN	TEMPAT
P	4.1 Maklumkan seberapa segera kepada H keingkaran/kegagalan hadir pesalah di mahkamah tanpa sebarang alasan pada hari pelaksanaan hukuman sebatan	Dewan Bicara Mahkamah/ Kamar Hakim Bicara
H	4.2 Tetapkan semula tarikh sebatan dan arah pengeluaran Waran Tangkap	
P	4.3 Keluarkan Waran Tangkap menggunakan Borang 3 dan kemuka kepada H untuk tandatangan	
PPA/PDRM	4.4 Serah Waran Tangkap yang telah ditandatangani H kepada PPA untuk pelaksanaan	
	4.5 Hantar Waran Tangkap ke Ibu Pejabat Polis untuk penguatkuasaan oleh pihak Polis	Balai Polis
H	Jika Pesalah dapat ditangkap	
	4.6 Perintahkan penahanan, termasuk urusan perampasan bon jamin atau apa-apa tindakan wajar ke atas pesalah kerana melanggar Bon Kehadiran dan perintahkan hukuman sebatan ke atas pesalah di penjara	Dewan Bicara Mahkamah/ Kamar Hakim Bicara
P	4.7 Keluarkan Waran Penahanan (Borang 1) Waran Hukuman Penjara (Borang 2) dan Waran Pelaksanaan Hukuman Sebatan (Borang 8) di Penjara dapatkan tandatangan H atau ambil apa-apa tindakan seperti diarahkan H	
P	4.8 Maklumkan PPA untuk laksana Waran Penahanan	

TANGGUNGJAWAB	TINDAKAN	TEMPAT
PPA	4.9 Hantar pesalah ke Penjara untuk menjalani hukuman sebatan di Penjara	Jabatan Penjara Malaysia
JPM	4.10 PP/PS melaksanakan hukuman sebatan di Penjara sebagaimana Peraturan-Peraturan yang telah ditetapkan Jabatan Penjara Malaysia	
Jika Pesalah gagal ditangkap		
P	4.11 Maklumkan H sebaik menerima laporan kegagalan pelaksanaan Waran Tangkap daripada PDRM	Dewan Bicara Mahkamah/ Kamar Hakim Bicara
H	4.12 Lanjutkan tempoh Waran Tangkap sehingga pesalah dapat ditangkap pada bila-bila masa	
P	4.13 Uruskan proses penarikan/ rampasan Bon jaminan/ Bon kehadiran 4.14 Ulangi proses kerja 4.6 hingga 4.10 jika pesalah dapat ditangkap	

TANGGUNGJAWAB	TINDAKAN	TEMPAT
<p style="text-align: center;">P</p>	<p>5.6 Ulangi PROSES KERJA (2): PROSIDING HAKIM MENETAPKAN TARIKH, MASA DAN TEMPAT PELAKSANAAN HUKUMAN dan PROSES KERJA (3): TINDAKAN PADA HARI PELAKSANAAN HUKUMAN SEBAT</p>	<p>Dewan Bicara Mahkamah/ Kamar Hakim Bicara</p>
	<p>Hukuman Dilaksanakan Mengikut Cara yang Munasabah</p> <p>5.7 Tetapkan tarikh sebutan untuk penetapan tarikh, masa dan tempat pelaksanaan hukuman</p>	
<p style="text-align: center;">H</p>	<p>5.8 Hakim hendaklah dengan budi bicara menetapkan apa-apa terma jaminan tambahan bagi memastikan kehadiran pesalah.</p>	
	<p>5.9 Pelanjutan Bon Kehadiran Pesalah menggunakan Borang 4 untuk pastikan kehadiran pesalah pada tarikh sebutan untuk penetapan tarikh, masa dan tempat pelaksanaan hukuman</p>	
	<p>5.10 Ulangi PROSES KERJA (2): PROSIDING HAKIM MENETAPKAN TARIKH, MASA DAN TEMPAT PELAKSANAAN HUKUMAN dan/atau PROSES KERJA (3): TINDAKAN PADA HARI PELAKSANAAN HUKUMAN SEBAT (yang bersesuaian dengan hukuman yang bakal diperintahkan oleh Hakim)</p>	




JADUAL KEDUA: CARTA ALIR


JADUAL KEDUA

CARTA ALIR

(1) HAKIM MENJATUHKAN HUKUMAN KE ATAS PESALAH





(2) PROSIDING HAKIM MENETAPKAN TARIKH, MASA DAN TEMPAT PELAKSANAAN HUKUMAN





**Prosiding Proses Kerja/ Carta Alir 2 diadakan selepas tempoh rayuan tamat/luput.*

(3) TINDAKAN PADA HARI PELAKSANAAN HUKUMAN











(4) PROSIDING DI MAHKAMAH: PESALAH INKAR/GAGAL HADIR TANPA SEBARANG ALASAN PADA HARI PELAKSANAAN HUKUMAN



(5) PROSIDING DI MAHKAMAH: HUKUMAN SEBATAN DITANGGUHKAN SEBAGAIMANA SUBSEKSYEN 125(3)(j) & (5) AKTA 560 ATAU MANA-MANA UNDANG-UNDANG BERTULIS NEGERI-NEGERI BERKAITAN





JADUAL KETIGA: BORANG-BORANG

JADUAL KETIGA

BORANG-BORANG

BORANG 1

AKTA/ ENAKMEN/ ORDINAN TATACARA JENAYAH SYARIAH

WARAN PENAHANAN

Kepada pegawai yang menjaga Penjara

BAHAWASANYA no. kad pengenalan/pasport
..... (kemudian daripada ini disebut Pesalah) telah pada hari ini ditangkap
dan dibawa hadir ke hadapan Mahkamah ini dan disabitkan melakukan kesalahan
melanggar Bon Kehadiran Pesalah bertarih haribulan tahun yang
menghendaki Pesalah hadir ke Mahkamah ini pada haribulan tahun
dan adalah perlu Pesalah ditahan.

Waran ini memberi kuasa dan menghendaki anda menerima Pesalah ke dalam
jagaan anda bersama dengan waran ini dan menahannya dengan selamat di dalam
Penjara sehingga haribulan tahun apabila
anda hendaklah menyebabkannya dibawa ke hadapan Mahkamah ini pada jam
pagi/petang pada hari itu melainkan jika sementara itu anda diperintahkan selainnya.

Diberi dengan tandatangan saya dan meterai Mahkamah ini pada
haribulan tahun

(Meterai/cop)

Tandatangan Hakim

BORANG 2

AKTA/ ENAKMEN/ ORDINAN TATACARA JENAYAH SYARIAH

WARAN HUKUMAN PENJARA

Kepada pegawai yang menjaga Penjara

.....

BAHAWASANYA, no. kad pengenalan/
pasport, pada haribulan tahun telah disabitkan
bersalah dalam kes jenayah syariah no. di dalam Mahkamah
..... atas kesalahan
di bawah seksyen/subseksyen Akta Kesalahan Jenayah
Syariah (Wilayah-Wilayah Persekutuan) 1997 atau mana-mana undang-undang bertulis
negeri-negeri berkaitan dan dijatuhkan hukuman penjara dan/
atau sebatan rotan.

Hukuman penjara hendaklah dilaksanakan berkuatkuasa mulai dari
haribulan tahun

Maka dengan ini mengkehendaki tuan menerima
no. kad pengenalan/pasport, supaya ia ditahan dalam tahanan
tuan dan memerintahkan ia menjalani hukuman menurut undang-undang.

Diberi dengan tandatangan saya dan materai Mahkamah ini pada
haribulan tahun

(Meterai/cop)

Tandatangan Hakim

BORANG 3

AKTA/ ENAKMEN/ ORDINAN TATACARA JENAYAH SYARIAH

WARAN TANGKAP

Kepada:.....

BAHAWASANYA no. kad pengenalan/
pasport beralamat di telah
disabitkan bersalah di bawah seksyen/subseksyen
..... Akta Kesalahan Jenayah Syariah (Wilayah-Wilayah
Persekutuan) 1997 atau mana-mana undang-undang bertulis negeri-negeri berkaitan
dan dijatuhkan hukuman sebatan rotan dan dikehendaki hadir
ke Mahkamah pada haribulan
tahun jam pagi/petang.

BAHAWASANYA tersebut telah melanggar
Bon Kehadiran Pesalah bertarikh pada haribulan
tahun dan engkar hadir ke Mahkamah pada tarikh dan masa yang
dinyatakan dalam bon tersebut.

Maka anda adalah dengan ini diarahkan menangkap
tersebut dan membawanya ke hadapan Mahkamah pada
haribulan tahun atau pada bila-bila masa ianya
dapat ditangkap sebelum tarikh tersebut.

Bertarikh pada haribulan tahun

(Meterai/cop)

Tandatangan Hakim

Waran ini bolehlah diendorskan seperti berikut:

Jika tersebut membayar sendiri
jaminan sejumlah Ringgit Malaysia sahaja dengan seorang
penjamin untuk hadir di hadapan Mahkamah pada
haribulan tahun dan untuk terus hadir sehingga
saya mengarahkan selainnya, dia bolehlah dilepaskan.

Bertarikh pada haribulan tahun

(Meterai/cop)

Tandatangan Hakim

BORANG 4

AKTA/ ENAKMEN/ ORDINAN TATACARA JENAYAH SYARIAH

BON KEHADIRAN PESALAH

BAHAWASANYA Saya, no. kad pengenalan/
pasport, yang beralamat di
telah disabitkan bersalah di bawah seksyen/subseksyen
..... Akta Kesalahan Jenayah Syariah (Wilayah-Wilayah
Persekutuan) 1997 atau mana-mana undang-undang bertulis negeri-negeri berkaitan
dan dijatuhkan hukuman sebatan rotan atau/dan hukuman
..... adalah dengan ini mengikat diri saya untuk hadir di
Mahkamah yang pada haribulan
tahun jam pagi/petang kecuali diperintahkan sebaliknya dan
sekiranya saya gagal berbuat demikian, saya mengikat diri supaya melucutkan
hak wang saya sebanyak Ringgit Malaysia sahaja (didepositkan) kepada
Kerajaan Malaysia dan Mahkamah yang tersebut akan memerintahkan penahanan
ke atas diri saya di Penjara

Bertarikh pada haribulan tahun

Tandatangan Pesalah (Meterai/cop) Tandatangan Pendaftar/Hakim

APABILA BON DISEMPURNAKAN DENGAN PENJAMIN

BAHAWASANYA Saya, no. kad pengenalan/
pasport, yang beralamat di dengan
ini mengaku menjadi penjamin kepada penama tersebut di atas bahawa dia akan
menepati kehendak Bon ini dan sekiranya dia gagal berbuat demikian, saya
melucutkan wang saya sebanyak Ringgit Malaysia sahaja (didepositkan)
kepada Kerajaan Malaysia.

Bertarikh pada haribulan tahun

Tandatangan Pesalah (Meterai/cop) Tandatangan Pendaftar/Hakim

BORANG 5

AKTA/ ENAKMEN/ ORDINAN TATACARA JENAYAH SYARIAH

PENETAPAN TEMPAT PELAKSANAAN HUKUMAN SEBAT

Berdasarkan kuasa yang diperuntukan kepada Mahkamah di bawah perenggan 125(3)(c) Akta Tatacara Jenayah Syariah (Wilayah-Wilayah Persekutuan) 1997 atau mana-mana undang-undang bertulis negeri-negeri berkaitan, Mahkamah dengan ini menetapkan bahawa hukuman sebat ke atas Pesalah,
no. kad pengenalan/pasport sebanyak sebatan
dalam kes jenayah syariah no. hendaklah dilaksanakan
di pada
haribulan tahun jam pagi/petang.
Bertarikh pada haribulan tahun

(Meterai/cop)

Tandatangan Hakim

BORANG 6

Kepada pegawai yang menjaga Penjara

.....

Tuan,

PELAKSANAAN HUKUMAN SEBAT KESALAHAN JENAYAH SYARIAH

KE ATAS NO. KP / PASPORT

– PESALAH LELAKI.

KES JENAYAH SYARIAH NO.

DAN/ATAU

KE ATAS NO. KP / PASPORT

– PESALAH WANITA.

KES JENAYAH SYARIAH NO.

Saya adalah dengan hormatnya merujuk kepada perkara di atas.

2. Selaras dengan peruntukan perenggan 125(3)(c), Akta Tatacara Jenayah Syariah (Wilayah-Wilayah Persekutuan) 1997 atau mana-mana undang-undang bertulis negeri-negeri berkaitan, pelaksanaan hukuman sebat ke atas Pesalah tersebut telah ditetapkan seperti berikut :

2.1. Tarikh : haribulan tahun

2.2. Masa : pagi/petang

2.3. Tempat :

3. Sehubungan itu, tuan adalah dikehendaki menyediakan dan menghantar seorang dua (2) orang Pegawai Sebat bagi melaksanakan hukuman tersebut iaitu:

3.1 Seorang Pegawai Sebat lelaki bagi melaksanakan sebatan ke atas Pesalah Lelaki;

atau/dan

3.2 Seorang Pegawai Sebat wanita bagi melaksanakan sebatan ke atas Pesalah Wanita

4. Bersama ini dikemukakan waran dan notis seperti berikut :
 - 4.1 Notis Penetapan Tempat Pelaksanaan Hukuman Sebat
 - 4.1 Waran Pelaksanaan Hukuman Sebat
 - 4.3 Pengesahan Tiada Rayuan Terhadap Hukuman Atau Tempoh Rayuan Telah Tamat

Sekian harap maklum.

Saya yang menjalankan amanah,

.....
Timbalan Pendaftar,
Mahkamah

- S.k.
1. Yang Amat Arif,
Ketua Hakim Syarie
 1. Pengarah / Ketua Pendakwa Syarie
Jabatan Pendakwa Syarie Negeri/Bahagian Pendakwaan
(Bersama ini dikepilkan salinan waran dan notis berkaitan pelaksanaan hukuman sebat untuk makluman tuan)

BORANG 7

Kepada Pegawai Kesihatan Daerah

Tuan/Puan,

PELAKSANAAN HUKUMAN SEBAT KESALAHAN JENAYAH SYARIAH

Saya adalah dengan hormatnya merujuk kepada perkara di atas.

2. Mahkamah ini pada haribulan tahun telah menjatuhkan hukuman sebanyak sebatan ke atas pesalah iaitu;

2.1 No. k/p:..... jantina lelaki,
berumur tahun bulan;

dan/atau

2.2 No. k/p:..... jantina wanita,
berumur tahun bulan

3. Hukuman tersebut akan dilaksanakan pada tarikh, masa dan tempat seperti berikut:

3.1 Tarikh : haribulan tahun

3.2 Masa :pagi/petang

3.3 Tempat :

4. Perenggan 125(3)(a), (b), (c), (j) dan (5), Akta Tatacara Jenayah Syariah (Wilayah-Wilayah Persekutuan) 1997 atau mana-mana undang-undang bertulis negeri-negeri berkaitan, menghendaki bahawa dalam pelaksanaan hukuman sebatan:

4.1 Pesalah hendaklah diperiksa dan diperakui terlebih dahulu oleh Pegawai Perubatan Kerajaan sebagai dalam keadaan kesihatan yang baik untuk menjalani hukuman itu sebelum ianya dilaksanakan;

4.2 Jika pesalah wanita didapati sedang hamil maka pelaksanaan hukuman sebat hendaklah ditangguhkan sehingga tamat tempoh dua (2) bulan/tiga (3) bulan¹ selepas dia bersalin atau keguguran mengikut mana-mana yang berkenaan;

¹ Tiga (3) bulan merujuk subseksyen 126(3)(b) Enakmen Tatacara Jenayah Syariah (Kedah Darul Aman) 2014.

- 4.3 Hukuman hendaklah dilaksanakan di hadapan seorang Pegawai Perubatan Kerajaan di tempat sebagaimana diarahkan oleh Mahkamah atau di suatu tempat yang ditetapkan oleh undang-undang bagi maksud itu;
 - 4.4 Jika semasa pelaksanaan hukuman sebat, Pegawai Perubatan Kerajaan memperakui bahawa pesalah itu tidak lagi dapat menerima sebatan maka ianya hendaklah ditangguhkan sehingga Pegawai Perubatan Kerajaan memperakui bahawa pesalah itu sihat tubuhnya untuk menjalani baki hukuman itu; dan
 - 4.5 Jika Pegawai Perubatan Kerajaan memperakui bahawa pesalah itu atas sebab umur tua yakni telah mencapai umur 50 tahun atau lebih, keuzuran atau apa-apa sebab lain tidak dapat menjalani hukuman sebat sama ada secara keseluruhan atau sebahagiannya, maka kes itu hendaklah dirujukan kepada Mahkamah yang boleh memerintahkan hukuman itu dilaksanakan mengikut cara yang difikirkan munasabah.
5. Sehubungan itu, Mahkamah ini memohon supaya (*bil. Peg.perubatan*)..... orang Pegawai Perubatan Kerajaan tuan/puan dapat dihantar bersama-sama “*chaperon/peneman*” (jika berkaitan) dan hadir di (*tempat hukuman dijalankan*) bagi maksud menjalankan pemeriksaan kesihatan, memerhati pesalah sepanjang prosiding hukuman, memperaku apa-apa yang menyebabkan pesalah tidak layak menjalani hukuman dan merawat pesalah ketika atau selepas hukuman dijalankan ke atas pesalah.
6. Pegawai-Pegawai Perubatan Kerajaan tersebut hendaklah ketika menghadiri prosiding sebatan Mahkamah dengan:-
- 6.2. Membawa peralatan perubatan yang bersesuaian bagi menjalankan pemeriksaan kesihatan pesalah; dan
 - 6.2 berpakaian yang bersesuaian berdasarkan kod pemakaian yang telah ditetapkan oleh Kementerian Kesihatan Malaysia.
7. Kerjasama tuan/puan amatlah dihargai dan diucapkan terima kasih.

Sekian harap maklum.

Saya yang menjalankan amanah,

.....
Timbalan Pendaftar,

Mahkamah

BORANG 8

AKTA/ ENAKMEN/ ORDINAN TATACARA JENAYAH SYARIAH

WARAN PELAKSANAAN HUKUMAN SEBAT

Kepada pegawai yang menjaga Penjara

.....

BAHAWASANYA no. kad pengenalan/
pasport pada haribulan tahun telah disabitkan
bersalah dalam kes jenayah syariah no. di dalam Mahkamah
..... atas kesalahan
di bawah seksyen/subseksyen Akta Kesalahan Jenayah
Syariah (Wilayah-Wilayah Persekutuan) 1997 atau mana-mana undang-undang bertulis
negeri-negeri berkaitan dan dijatuhkan hukuman penjara dan/
atau sebatan rotan.

Maka dengan ini tuan adalah dikehendaki melaksanakan hukuman sebat
sebanyak sebatan ke atas no. kad pengenalan/
pasport pada haribulan tahun
..... jam pagi/petang di

Diberi dengan tandatangan saya dan meterai Mahkamah ini pada
haribulan tahun

(Meterai/cop)

Tandatangan Hakim

BORANG 9

AKTA/ ENAKMEN/ ORDINAN TATACARA JENAYAH SYARIAH

PENGESAHAN TIADA RAYUAN TERHADAP HUKUMAN ATAU TEMPOH RAYUAN TELAH TAMAT

Kepada pegawai yang menjaga Penjara

.....

BAHAWASANYA, no. kad pengenalan/pasport
..... yang dijatuhi hukuman kali sebatan dalam dalam kes
jenayah syariah no. di dalam Mahkamah
atas kesalahan di bawah seksyen/
subseksyen Akta Kesalahan Jenayah Syariah (Wilayah-
Wilayah Persekutuan) 1997 atau mana-mana undang-undang bertulis negeri-negeri
berkaitan telah tidak mengemukakan apa-apa rayuan terhadap hukuman tersebut
dalam tempoh 14 hari dari tarikh keputusan diberikan seperti dikehendaki di bawah
Seksyen 153 Akta Tatacara Jenayah Syariah (Wilayah-Wilayah Persekutuan) 1997
atau mana-mana undang-undang bertulis negeri-negeri berkaitan.

DISAHKAN BAHAWA tempoh merayu telah luput maka pelaksanaan
hukuman sebat ke atas no. kad pengenalan/pasport
..... sebagaimana Waran Pelaksanaan Hukuman Sebat bertarikh
haribulan tahun hendaklah dilaksanakan.

Bertarikh pada haribulan tahun

(Meterai/cop)

Tandatangan Hakim

BORANG 10(a)

BORANG SARINGAN KESIHATAN PESALAH

Mahkamah:

A. Butir Peribadi (HURUF BESAR) – Diisi oleh Ketua Pendaftar

Nama:	Tanda-tanda Vital
No. Pengenal Diri:	Tekanan Darah:
Umur:	Nadi:
Jantina:	

B. Perakuan Kesihatan Diri – Diisi oleh Pesalah

Pernahkah anda menghidap penyakit berikut? Jika Ya sila (✓)					
1	Lelah		4	Kencing manis	
2	Penyakit jantung dan saluran darah		5	Tekanan darah tinggi/ tekanan darah rendah	
3	Batuk kering/ Tibi/ Radang Paru-paru		6	Lain-lain Penyakit: Nyatakan	

C. Masalah Kesihatan Semasa dalam Tahanan – Diisi oleh anggota kesihatan

Nama Penyakit	Nama Ubat dan Dos	Status Rawatan

D. Perakuan Status Kehamilan Wanita – Diisi oleh anggota kesihatan

Ujian Status Kehamilan (UPT)	() POSITIF
*Sila tanda (✓)	() NEGATIF

Saya mengaku bahawa maklumat yang diberikan di atas adalah benar mengikut pengetahuan saya.

Disaksikan oleh Anggota Kesihatan:

Tandatangan Pesalah:

Tandatangan:

Cop Jawatan:

Tarikh:

Tarikh:

BORANG 10(b)

BORANG PEMERIKSAAN KESIHATAN PESALAH SEBELUM HUKUMAN

Nama no. kad pengenalan,
pada haribulan tahun telah disabitkan bersalah dalam kes jenayah
syariah no. di dalam Mahkamah atas
kesalahan di bawah seksyen/subseksyen
..... Akta Kesalahan Jenayah Syariah (Wilayah-Wilayah
Persekutuan) 1997 atau mana-mana undang-undang bertulis negeri-negeri berkaitan
dan dijatuhkan hukuman sebatan rotan.

(Nama pesalah)....., (No. kp/pasport/lain-lain)..... akan
menjalani hukuman (*bentuk hukuman*)..... pada.....haribulan.....tahun.....
di (*lokasi*).....

Setelah diperiksa, didapati penama di atas;

LAYAK menjalani hukuman

TIDAK LAYAK menjalani hukuman kerana;

Hamil

Umur (mencapai umur 50 tahun atau lebih)

Lain-lain (sila nyatakan).....

Diperiksa/Diperakui oleh:

.....
Nama & T/Tangan Pegawai Perubatan

.....
Cop Rasmi

.....
Tarikh & Masa

BORANG 10(c)

BORANG RUJUKAN KE KLINIK KESIHATAN / HOSPITAL

Mahkamah:

Kepada:	() Segera () Tidak Segera *Sila tanda (✓)
Nama:	Tarikh:
	Masa:
No. Pengenalan Diri:	Umur:
	Jantina:
Keluhan/sejarah:	
Pemeriksaan Fizikal	
Diagnosis Awal:	
Ubatan:	
Rawatan Awal:	

Pegawai Perubatan Yang Merujuk;

Nama dan Cop Jawatan:

Tandatangan:

Tarikh:

BORANG 11

BORANG PEMERIKSAAN KESIHATAN PESALAH KETIKA*/SELEPAS HUKUMAN DILAKSANAKAN SEPENUHNYA/SEBAHAGIAN**

Nama no. kad pengenalan,
pada haribulan tahuntelah disabitkan bersalah dalam kes jenayah
syariah no. di dalam Mahkamah atas
kesalahan di bawah seksyen/subseksyen
..... Akta Kesalahan Jenayah Syariah (Wilayah-Wilayah
Persekutuan) 1997 atau mana-mana undang-undang bertulis negeri-negeri berkaitan
dan dijatuhkan hukuman sebatan rotan.

..... telah menjalani hukuman
(nama pesalah) (no. kp/pasport/lain-lain)
sebatan sebahagian/sepenuhnya** dengan bil.

.....
(nyatakan bilangan sebatan yang telah dilaksanakan)

dan berbaki sebatan
(nyatakan bilangan baki sebatan yang belum dilaksanakan)

pada.... haribulan..... tahun..... di
(lokasi)

***jika pegawai perubatan berpendapat pesalah perlu diperiksa ketika sebatan masih berbaki**

****potong yang mana tidak berkenaan**

PEMERIKSAAN FIZIKAL KETIKA/SELEPAS SEBATAN

LAYAK / TIDAK LAYAK menjalani hukuman seterusnya***

.....

.....

.....

.....

.....

****(jika berkenaan) nyatakan cadangan samada layak untuk diteruskan pelaksanaan hukuman pada ketika itu atau di tarikh yang lain atau apa-apa syor lain bagi tindakan Hakim*

Diperiksa/Diperakui oleh:

Nama:

Tarikh & Cop rasmi:

.....
Nama & T/Tangan Pegawai Perubatan

.....
Cop Rasmi

.....
Tarikh & Masa



PENGHARGAAN

PENGHARGAAN

Prosedur Operasi Standard (SOP) Pelaksanaan Hukuman Sebatan Di Luar Penjara Bagi Pesalah Syariah ini telah disediakan oleh Jawatankuasa Kerja Pembinaan SOP dan dimuktamadkan oleh Persidangan Ketua-Ketua Hakim Syarie Seluruh Malaysia Kali ke-75 Bil. 3 yang diadakan pada 3 hingga 5 Oktober 2020 di Johor Bahru, Johor Darul Ta'zim.

PENAUNG

YAA Dato' Setia Dr. Haji Mohd Na'im Bin Hj. Mokhtar
Ketua Hakim Syarie/ Ketua Pengarah JKSM

AHLI-AHLI PERSIDANGAN KETUA HAKIM SYARIE SELURUH MALAYSIA KALI KE 75 BIL. 3 TAHUN 2020

YA Dato' Haji Mohd. Amran B. Mohd Zain
Hakim Mahkamah Rayuan Syariah JKSM

YA Dato' Haji Mohd. Shukor Bin Haji Sabudin
Hakim Mahkamah Rayuan Syariah JKSM

YA Datuk Mohd Radzi Bin Abd Latif
Hakim Mahkamah Rayuan Syariah JKSM

YA Datuk Jasri @ Nasip B. Matjakir
Hakim Mahkamah Rayuan Syariah JKSM

YA Dato' Mohamad Shakir Bin Abdul Hamid
Hakim Mahkamah Rayuan Syariah JKSM

YA Tn. Haji Othman bin Ibrahim
Hakim Mahkamah Rayuan Syariah JKSM

YAA Tuan Haji Wan Mohd Zakri bin Wan Mohd
Ketua Hakim Syarie JKSN Terengganu

YAA Dato' Sri Haji Rahman bin Md Yunos
Ketua Hakim Syarie JKSN Pahang

YAA Dato' Sheikh Abdul Rahman bin Haji Abdullah
Ketua Hakim Syarie JKSN Kedah

YAA Dato' Haji Asa'ari bin Haji Mohd Yazid
Ketua Hakim Syarie JKSN Perak

YAA Datu Awang Suhaili bin Ledi
Ketua Hakim Syarie JKSN Sarawak

YAA Tuan Haji Ibrahim bin Deris
Ketua Hakim Syarie JKSN Perlis

YAA Dato' Abas bin Nordin
Ketua Hakim Syarie JKS Negeri Sembilan

YAA Dato' Haji Mohammad Adib bin Hussain
Ketua Hakim Syarie JKSN Selangor

YAA Datuk Mohd Nadzri bin Haji Abdul Rahman
Ketua Hakim Syarie Mahkamah Syariah Negeri Melaka

YAA Tuan Haji Mohammad Khaldun bin Mohamad Sharif
Ketua Hakim Syarie JKSN Johor

YAA Tuan Haji Mohd Asri bin Haji Tahir
Ketua Hakim Syarie Mahkamah Syariah Wilayah Persekutuan

YAA Dato' Muhammad Abdul Karim bin Wahab
Ketua Hakim Syarie JKSN Pulau Pinang

YAA Tuan Alidin @ Ahmad Din bin OKK Othman
Ketua Hakim Syarie JKSN Sabah

Tuan Nurhasney Ridhwan B. Hassan (Wakil KHS)
Ketua Pendaftar JKSN Kelantan

KEMENTERIAN KESIHATAN MALAYSIA

Dr. Noridah binti Mohd Saleh
Dr. Tengku Putri Zaharah binti Tengku Bahanuddin
Pegawai-pegawai Kanan Kementerian Kesihatan Malaysia

JABATAN PENJARA MALAYSIA

Dato' KP Ahmad Faudzi bin Awang
Tuan PKK Abdul Kadir Jailani bin Ismail
Tuan Masran bin Muhamad
Pegawai-pegawai Kanan Jabatan Penjara Malaysia

AHLI-AHLI & URUSETIA JAWATANKUASA KERJA PEMBINAAN

Tuan Haji Nassir bin Haji Abdul Aziz (*Pengerusi/Ketua Pendaftar JKSM*)
Dato' Abdul Walid bin Abu Hassan
Puan Noor Hadina binti. Ahmad Zabidi
Tuan Adam bin Tumiran¹
Tuan Abu Suffian bin Abu Yaziz (*Setiausaha*)
Tuan Zakian bin Dio
YA Tuan Ahadin Arinen
YA Tuan Shamsuddin bin Hussain
YA Tuan Mohamad Fouzi bin Mokhtar
Tuan Mohd. Ridzwan bin Ghazali
Tuan Mawardi bin Che' Man
Puan Maria binti Jilani
Tuan Mamat Haizan bin Salleh
Tuan Nik Asrul Nizam bin Mustapha
Pn. Rafidah binti Abdul Razak
Dr. Hanifah binti Haydar Ali Tajuddin
Tuan Muhamad Yusro bin Borhan Nordin
Puan Suraya binti Abdullah
Puan Jamaliah binti Abu Bakar

¹ Allahyarham Tuan Adam bin Tumiran telah kembali kerahmatullah pada 13 Februari 2020 di Hospital Selayang. Beliau adalah mantan Pengarah BPKR dan mantan Setiausaha Jawatankuasa Kerja SOP tahun 2018-2019. Semoga Allah mengganjari Allahyarham di atas jasa dan sumbangan beliau ini-ALFATEHAH.



JABATAN KEHAKIMAN SYARIAH MALAYSIA
BLOK C, KOMPLEKS ISLAM PUTRAJAYA
NO. 20, JALAN TUNKU ABDUL RAHMAN, PRESINT 3
62100 PUTRAJAYA
MALAYSIA

T +603 8887 9200
F +603 8887 9500